

IZAO NO

FIPOSAHAN'NY MASOANDRO

 Ndao isika hanondrika ny lohantsika. Tompo, raha miangona eto amin'ity marainan'ny Paska mahafinaritra ity izahay, dia mahita an'ireo tsimo-kazo kely mitady ny lèlany hivoaka, ireo tantely manidina ka maka ny anjarany, ireo vorona mihira toy ny hoe mitresak ny hafaliana ny fony, satria misy Paska iray. Mino izahay fa Ianao no nanangana an'i Jesosy tamin'ny maty, taona maro lasa izay, androany, ary mankalaza an'izany andro fahatsiarovana izany izahay.

² Ary aoka hisy Paska iray ho tonga eto anivonay rehetra, androany. Enga anie izahay, amin'ny maha-Mpanompony, hahazo Ny Teniny, hoe tao amin'ny Fiombonany izahay tamin'izany fotoana izany, ary ankehitriny dia natsangana niaraka Taminy izahay ary miara-mipetraka ao amin'ny toeran-Danitra.

³ Tahio ny fotoana eto amin'ny tabernakla, ary manerana ny firenena izay andehanan'izany, amin'ny alàlan'ity telefona ity.

⁴ Sitrano ny marary sy ny ory rehetra. Enga anie izao ho Paska iray ho azy ireo, ihany koa, ary ho fifindrana iray avy amin'ny aretina ho amin'ny tanjaka. Ka ireo izay maty ao amin'ny fahotana sy ny heloka, dia enga anie izy ireo ho velona androany amin'ny alàlan'i Kristy. Ary hidera Anao izahay, satria mangataka an'izany amin'Ny Anarany. Amena.

⁵ Mihevitra an'izao ho tombontsoa iray mahafinaritra tokoa aho, izao maraina izao ny tafaverina eto Jeffersonville, Indiana, miaraka amin'ity fiangonana lehibe ity, hipoka ny fiangonana sady mitsangana, ary manodidina sy ny any ivelany, ary ao amin'ny fametrahana fiara sy na aiza na aiza. Ho anareo olona ao amin'ny telefona manerana ny firenena, dia maraina iray tsara tarehy ny eto.

⁶ Aninkeo maraina tamin'ny dimy, dia nanidina teo amin'ny varavarankely ny namana keliko miaraka amin'ny tratra mena iray ka namoha ahy. Toy ny hoe hitresaka ny fony, nanao hoe, "Nitsangana Izzy." Nihevitra an'io vorona kely io ho namako iray foana aho, satria tiako izy.

⁷ Araka ny lazain'ny angano mikasika azy hoe, "Vorona volontany kely iray no nahita Azy njaly teo amin'ny hazo fijaliana, izay nametrahan'ny ota Azy." Mazava ho azy, tsy nanana ota ilay vorona kely. Tsy nila ho faty ho an'ilay vorona kely Izzy. "Fa nanidina teo amin'ilay hazo fijaliana izy ka nanandrana nanala an'ireo fantsika, niaraka tamin'ny

vava keliny, ary lasa mena tanteraka ny tratrany.” Dia tahaka an’izany no ilaike ny ahy, ihany koa, ho fiarovan-tratra, amin’ny fiezahana hiaro an’io Zavatra lehibe izay Nahafatesany io.

⁸ Mahalala fa voafetra ny fotoantsika eto, indrindra ho an’ireo sakaiza izay mihaino amin’ny alàlan’ity telefona ity, dia tiako ny hiantso ny fifantohanareo izao maraina izao eo amin’ny—ny sary iray izay azon’ny fakan-tsary fotoana vitsy lasa izay, ny amin’ny fahitana iray izay azoko teto amin’ny tabernakla, ny amin’ny ialana eto Indiana, hankany Arizona; izay tsy maintsy nihaonako, tao amin’ny endrika pyramida iray, tamin’ireo Anjely fito. Tsy nahafantatra izay hitranga taty aoriana, rehefa tonga tany aho, nihevitra hoe izany no faran’ny fiainako, fa tsy hisy olona hahatanty an’ilay fipoahana; ary azoko antoka fa mahafantatra tsara an’ilay tantara ianareo rehetra. Ary tamin’izay fotoana izay tao amin’ny Sabino Canyon, maraina iray tahaka an’izao, raha tao amin’ny vavaka, dia nisy sabatra anankiray napetraka teo an-tànako, ka voalaza hoe, “Ity no Teny, sy ny Sabatry ny Teny.”

⁹ Taty aoriana, dia niseho ireo Anjely araka ny naminaniana. Ary tamin’izay fotoana izay indrindra, dia niala teo amin’izay nitsanganako ny andiana Hazavana lehibe iray ary niakatra tany amin’ny telopolo maily ny haavony teny amin’ny habakabaka, ary nanodidina ny faribolana, tahaka ny elatr’Anjely, ary nanao sary endrika pyramida iray teny amin’ny lanitra tao amin’ilay andian’Anjely iray ihany izay niseho.

¹⁰ Naka an’ilay sary ny siansa, hatrany Mexico tany, raha nifindra izany avy tany avaratr’i Arizona, izay nilazan’ny Fanahy Masina fa hijoroako hoe, “efapolo maily avaratra atsinanan’i Tucson.” Dia nandeha teny amin’ny habakabaka izany, ary ny *Life* magazina no namoaka an’ireo sary hoe, “Zavatra iray mahagaga teny amin’ny faritra ambony lavitra, izay tsy mety hisy hamandoana, izay tsy mety hisy enton-javatra; telopolo maily ny haavony, ary fito amby roapolo maily ny velarany,” ary niakatra avy hatrany avy teo amin’izay nisy an’ireo Anjely ireo.

¹¹ Ankehitriny, nanontany izy ireo, mba hahafantarana. Ny siansa, ny anankiray tamin’izy ireo tany Tucson, dia te-hahafantatra ny dikany iray, saingy tsy niteny tamin’izy ireo aho. Ianareo rehetra no nahafantatra, nilazana mialoha. Saingy tsy ho azy ireo izany; fa ho anareo.

¹² Ary noho izany dia teo Izy no niteny tamiko, ka nanao hoe, “Hosokafana ireo Tombokase Fito. Ireo zava-miafina fito, ny zava-miafina fito sosona an’ny Baiboly, izay nafenina hatramin’ny fanorenana an’izao tontolo izao, dia ho voambara.” Ary isika, na vondrona kely iray manetry tena aza, raha oharina amin’izao tontolo izao, dia isika no nifaly tamin’ireo fitahiana ireo, ny fandrenesana an’ireo zava-miafina ireo. Fanambadiana, fisaraham-panambadiana, taranaky ny menarana, ireo

fanontaniana samihafa ireo, dia voambara tanteraka tamintsika, tsy tamin'ny alàlan'ny olona, fa tamin'ny alàlan'Andriamanitra, Izay tenany, izay nanokatra an'ireo zava-miafina fito ireo; ny amin'ny hoe inona ilay Fiagonana, ahoana fa tao amin'i Kristy Izay tany amin'ny voalohany, ary ahoana fa ho voambara Izay amin'ny andro farany.

¹³ Ary ankehitriny, raha niakatra izany, manana an'ilay sary isika ao ivelany ao amin'ny peta-drindrina. Fa, noho izany, dia manana an'ilay sary mipetraka manatrika eto aho, raha voamarikareo, araka ny namoahan'ny *Life* magazina azy. Fa manontany aho raha ny mpanatrika ahy, hita maso eto, no mba tena njery marina tokoa an'ilay sary, hitanareo, hitanareo, amin'ny fomba tokony haha-izy azy.

¹⁴ Tsaroanareo, nitory teny aho rehefa tonga io fahitana io, teo amin'ny lohahevitra ny amin'ny Bokin'ny Apokalypsy, izay misy an'ireo mpitsara fahiny, izay nahitantsika an'i Jesosy ao amin'ny Apokalypsy 1. Rehefa nanomboka nanokatra an'ireo Tombokase Fito isika...na ireo—ireo Taonan'ny Fiagonana, raha ny marina, mialoha ny fanokafana an'ireo Tombokase Fito mihitsy. Nitsangana i Kristy niaraka tamin'ny "volo tahaka ny volon'ondry, fotsy." Ary nofaritako taminareo izany, hoe ireo mpitsara Anglisy fahiny, sy ireo mpitsara taloha elabe, rehefa nandeha teo amin'ny fitoeran'ny mpitsara izy ireo, mba hanao fianianana, dia nomena azy ireo ny fahefany feno. Nanao solovolo fotsy iray izy ireo, tahaka an'izany, teo amin'ny lohany, mba haneho ny fahefany faratampony.

¹⁵ Eny, raha hanodina an'ilay sary tahaka an'izao ianareo ka hijery, dia afaka mahita azy avy eny amin'ny mpanatrika angamba ianareo, Kristy izany. Jereo ireo Masony mijery eto, tanteraka mihitsy arak'izay mety haha-izy azy; manao solovolo fotsy an'ny maha-Andriamanitra Faratampony sady Mpitsara ny lanitra sy ny tany rehetra. Afaka mahita an'ireo Masony, orony, ny Vavany ve ianareo? [Hoy ny fiagonana hoe, "Amena."—Mpand.] Ahodino fotsiny avy amin'ity ilay sary, ny fomba izay nahazoan'izy ireo azy; tahaka an'izao, ny fomba tokony haha-izy azy. Ary ianareo...Afaka mahita azy ve ianareo? ["Amena."] Izy no Mpitsara Faratampony. Tsy misy hafa afa-tsy Izay. Ary izany no fanondroana tanteraka iray indray, fanamarinana iray fa ity Hafatra ity no Fahamarinana. Ity no Fahamarinana. Marina izany. Ary tsy manao Azy ho Olona fahatelo, fa ilay Olona tokana!

¹⁶ Miaraka amin'ilay fotsy, hitanareo, dia mahita an'ilay mainty ianareo, ny Endriny, ny Volombavany, ary ireo Masony. Ary mariho, Izay dia mijery...Avy eo Aminy no tonga ity Hazavana mamiratra eo amin'ny ilany havanana ity, mankany amin'izay Jereny. Ary teo amin'ny hazo fijaliana, dia njery nankany Izay, nankany amin'ny havanana, izay Namelany an'ilay

mpanota. Ao amin'ny Hazavan'ny Fitsanganany, no mbola handrosoantsika foana amin'Ny Anarany.

¹⁷ Maniry aho, izao maraina izao, mba hananako fotoana betsaka mihitsy ho—ho laniana eo amin'ireo zava-mahagaga izay any ankoatry ny aloky ny fisalasalana ireo, izay efa voaporofo nandritry ny telopolo taona lasa, na dimy amby telopolo taona, teto amin'ity fiangonana ity mihitsy; nanomboka tany amin'ilay renirano, rehefa nidina teto Jeffersonville io Hazavana iray io ihany, tamin'ny 1933, ary niteny an'ireto teny ireto hoe, "Tahaka ny nanirahana an'i Jaona Mpanao-batisa hialoha lèlana ny fihavian'i Kristy voalohany, dia ny Hafatrao no hialoha lèlana ny faharoa." Eo amin'ny andro farany isika izao, ary hitantsika izany. Manontany isika matetika hoe nahoana no tsy niely nanerana ny tany izany; angamba hanana anjara hanazavana an'izany isika indray andro any, raha sitrak'Andriamanitra.

¹⁸ Ankehitriny tiako ianareo hamadika ao—ao amin'ny Baibolinareo, araka ny inoantsika foana fa ny Teny no tsy maintsy tonga aloha, ny famakiana ny Teny. Mamaky an'Izany isan'andro aho, satria Izany... Tenin'olona iray ireo teniko, ho diso izany; fa ny Tenin'Andriamanitra dia tsy mety ho diso mihitsy.

¹⁹ Ankehitriny isika dia—dia hamaky avy ao amin'ny Soratra Masina, lahateny iray. Ary tianay ianareo hamadika, voalohany, ao amin'ny toerana telo ao amin'ny Baiboly, izaynofidiako ho vakiana. Ny iray amin'izy ireo dia ao amin'ny Apokalypsy, ny toko-1, ary ny andininy faha-17 sy faha-18; eo no Nisehoany niaraka tamin'ny "Volony fotsy toy ny volon'ondry; ary ny Tongony tahaka ny varahina." Ary avy eo dia tiako ihany koa ianareo haka, ao amin'ny Baibolinareo, ny Romana 8:11. Nifidy aho, izao maraina izao, toerana telo ho vakiana, avy amin'ny Soratra Masina, ho an'ny Hafatro androany, izay napetraky ny Tompo tato am-poko ho an'ny fitsanganana. Ary avy eo dia tiako ianareo haka, ihany koa, ny Marka 16:1 sy 2. Eo no hisintonako ny—ny tsoa-kevitro.

²⁰ Ankehitriny ao amin'ny Apokalypsy 1:18, mamaky an'ireo Teny ireo isika, 17 sy 18.

Ary rehefa nahita azy aho, dia niankohoka teo antongony tahaka ny maty. Ary nametraka ny tanany ankavanana teo amiko izy, nanao tamiko hoe, Aza matahotra; fa izaho no voalohany sy farany:

Izaho dia ilay velona, ary efa maty; ary, indro, aho velona mandrakizay mandrakizay, Amena; ary manana an'ireo fanalahidin'ny fahafatesana sy ny helo.

²¹ Ary ao amin'ny Romana ny toko faha-8 ka ny andininy faha-11, izao no vakiantsika.

Fa raha ny Fanahin'izay nanangana an'i Jesosy tamin'ny maty no mitoetra ao anatinareo, dia izay nanangana an'i Kristy tamin'ny maty ihany koa no hamelona ny tenanareo mety maty amin'ny Fanahiny izay mitoetra ao anatinareo.

²² Ary ankehitriny ao amin'ny Marka ny toko faha-16, ilay tokon'ny fitsanganana, ny toko faha-16, ny andininy faha-1 sy faha-2.

Ary rehefa afaka ny Sabata, Maria Magdalena, ny reny...sy Maria renin'i Jakoba, sy Salome, dia nitondra zava-manitra, mba hahafahan'izy ireo ho tonga sy hanosotra azy.

Ary vao maraina be tamin'ny voalohan'ny andro amin'ny herinandro, dia nankany amin'ny fasana izy ireo tamin'ny fiposahan'ny masoandro.

²³ Ankehitriny, ny lahateniko izao maraina izao, te-haka lahatteny iray aho hoe: *Izao No Fiposahan'Ny Masoandro*. Ary ho an'ny lohahevitra iray, dia tiako ny hampiasa ny hoe, “ilay Hery mamelona.”

²⁴ Ankehitriny, fantatrareo, efa nandre ny radio sy ireo mpitoriteny niresaka angamba ianareo. Ary ny Rahalahintsika hajaina Neville aninkeo maraina dia niresaka ny lohahevity ny Paskany, ny amin'ny fitsanganana. Ary nihevitra aho fa angamba hitondra an'izany eo—eo amin'ny lâlana kely hafa iray, tsy ny ho hafa, fa hanampy kely iray amboniny fotsiny, angamba ao amin'ny fijery hafa anankiray, ho anareo. Ireo Soratra, ny fijery rehetra izay anarahanareo an'ireo Soratra, dia manambara an'i Jesosy Kristy foana Izany. Tsy afaka miala amin'izany ianareo, amin'ny fomba rehetra. Manambara Azy foana Izany.

²⁵ Ankehitriny, satria izao tontolo izao androany ao amin'ny—ny fotoam-pahatsiarovana iray, na, fara-fahakeliny, eto Etazonia sy ity ilan-tany ity, izao maraina izao, ao amin'ireo fiangonana sy manerana, dia mankalaza ny fahatsiarovana ny—ny fandresena lehibe indrindra izay hany azon'ny olona.

²⁶ Heveriko fa, amin'ny maha-Mpamonjy rehefa maty Izy, na amin'ny maha-zaza iray rehefa teraka Izy, dia tsy afaka ny ho teto Izy raha tsy tonga teto an-tany. Ary rehefa maty Izy, dia nanao fanavotana ho an'ny fahotantsika tokoa Izy. Fa, kanefa, betsaka ireo zaza kely tsara izay teraka, ary betsaka ireo olona izay mijaly sy maty ho an'ny antony marina iray, saingy tsy nisy mihitsy anankiray izay afaka nanangana ny tenany indray hatramin'ity andro ity.

²⁷ Ankehitriny, ity no herinandro lehibe indrindra ao amin'ny tantara, ny fankalazana lehibe indrindra amin'ny fotoana rehetra, eto amin'ity Paska ity no Nanaporofoiny an'izay efa Nolazainy. Afaka milaza zavatra ny olona, kanefa izany dia tsy tena azo inoana tanteraka, ho marina, mandra-pahatongany ho

efa voaporofo ho ny Fahamarinana. Tahaka an'Andriamanitra, Izay nanao hoe, "Zahao toetra ny zavatra rehetra; hazony mafy izay tsara," dia tsy hiteny amintsika Izy hanao zavatra izay tsy Hataony Izy tenany. Noho izany dia nanaporofa Izy hoe Iza io maty ho an'ny fahotantsika io.

²⁸ Ary, ankehitriny, tsy hoe andro fahatsiarovana iray fotsiny izany, amin'ireo voninkazo lehibe an'ny Paska, sy satroky ny Paska, sy bitro mavokely, sy ny sisa, izay ananantsika, ary fankalazana masina; izay mety tsara avokoa, saingy tsy izany ilay tena zavatra ao amin'io fanao io.

²⁹ Tahaka ny olona amin'izao andro izao izay miezaka manao hoe, "Tokony hanasa tongotra indray mandeha isan-taona isika, ny—ny Alakamisy, na ny Zoma dia tokony handray ny fandraisana isika," ary ireo foto-pampianarana samihafa rehetra an'ny... Miady hevitra izy ireo raha tokony ho *ity* andro *ity* izany na *itsy* andro *itsy*, na raha tokony ho andro sabata iray izany na ny andro voalohany amin'ny herinandro; na... Fombafomba fotsiny ihany ireo zavatra rehetra ireo. Inona no soa ataon'ny iray amin'izany anareo, na nanao Karemy ianareo na tsy nanao Karemy, raha tsy misy Fiainana ao anatinareo? Fahatsiarovana iray fotsiny izany. Nefa, tsy misy na inona na inona manohitra an'ilay izy, fa nanatanteraka tokoa ny fombafombany izy ireo, saingy namela an'ilay zava-dehibe.

³⁰ Tsy ahoan'i Satana na mpivavaka toy ny ahoana aza ianareo, na marina toy ny ahoana ianareo ao amin'ny Foto-pampianaranareo. Raha diso an'io Fiainana io ianareo, dia tsy hitsangana, na ahoana na ahoana. Tsy mampaninona na mpivavaka toy ny ahoana, tsara toy ny ahoana, firy ny fiangonana izay nikambananareo na hikambananareo, tsy midika zavatra anankiray izany raha tsy efa nateraka indray ianareo.

³¹ Noho izany, raha nanangana an'i Jesosy tamin'ny maty Andriamanitra, dia nanangana Azy ho an'ny fahatsiarovana iray ve Izy? Ary io marainan'ny fitsanganana io ve dia ho an'ny—ny andro anankiray fotsiny amin'ny taona, sa andro iray manokana no ankalazantsika an'izany? Sa, mpahazo tombony amin'ny Fitsanganany isika? Inona no dikan'izany amiko? Inona no dikan'izany aminareo? Ankehitriny mino isika, amin'ny finoana, fa nitsangana tamin'ny maty Izy, saingy inona no hidiran'izany amiko? Efa roa arivo taona lasa izany.

Ankehitriny mba hahitana an'ity lahateny ity!

³² Satria vizaka aho, maharary ahy ny sandriko, nohon'ny tsindrona izay nomen'ilay mpampivelona ahy. Fa, handeha any am-pitan-dranomasina aho ankehitriny, araka ny fantatrareo, ao anatin'ny andro vitsy, ka tsy mantsy mahazo an'ireo tsindrona ireo, izaho sy ny zanako lahy. Ary miaraka amin'ny cholera, tazo vony, sy ny zavatra rehetra, saiky tena reraka aho,

mankarary ahy izany. Fa, mitaky ny hananana an'ireo tsindrona ireo i Kaisara alohan'ny handehananareo any amin'ny firenen-kafa. Ary hoy Izy hoe, "Omeo an'i Kaisara izay an'i Kaisara, nefako omeo an'Andriamanitra izay an'Andriamanitra."

³³ Ary raha nipetraka teo aho, nanontany hoe inona no horesahako amin'ity mpanatrika miandry ity izao maraina izao; izay tena ankasitrakoko, ary ireo lehilahy sy vehivavy izay hametraka ny fiainany eo amin'ny faritra izay lazainareo. "Ahoana no tokony hanaovako an'izany? Inona no tokony halaiko ho an'ny lahateny iray?"

³⁴ Ary avy eo raha mbola nipetraka teo aho, saiky resin-tory, dia nikorintsana ny varavarako, tany anoloan'ny trano. Tsy nisy olona afa-tsy ny tenako teo, raha araka ny fantatro. Nihaino aho. Tsy tena azoko tsara ilay izy. Afaka kelikely, ilay varavarana'ny efitra kely, izay idirako ao amin'ny biraoko, dia nikorintsana, ary nisy olona iray nanohy nanozongozona an'ilay varavarana. Ary izaho—nandeha teo amin'ilay varavarana aho ka namoha an'ilay varavarana, ary, tamin'ny fahagagako, nisy—nisy zazavavy tsara tarehy, kely, mavo volo, manga maso nitsangana teo, tahaka ny voninkazo kely iray an'ny Paska; mipetraka eto izy ankehitriny mijery ahy.

³⁵ Nanolotra karatra iray ho ahy izy. Ary izany dia ny... Mazava ho azy, neveriko fa rehefa tonga any an-trano aho dia hisy karatry ny Paska ao, sy ny sisa; fa io no anankiray tokana, rehefa niala tany an-trano aho, izay voaraiko. Dia hoy izy hoe, "Ranadahy Branham, avy amin'ny dadako sy izaho ity." Tehanana antoka izy fa ilay "izaho" dia tao anatin'izany. Ary ny rainy izay marary hozatra, mipetraka ao amin'ny seza iray misy kodiarana, no nandefa an'io karatra io. Rehefa noraisiko izany ka nisaotra an'ilay malala kely aho, raha nihodina izy ary lasa nanalavitra ny varavarana, dia nosokafako ilay karatra.

³⁶ Ary tao amin'ny endrik'io karatra io no nisintonako ny lahateniko. Satria, teo amin'ilay karatra dia nisy ny Masindahy Marka 16:1 sy 2, fiposahana, niposaka ny masoandro. Tamin'izay fotoana izay no nieritreretako an'izao, ary avy eo dia ny lohahevitra hoe "ny famelomana," an'i Jesosy Kristy izay hitsangana amin'ny maty, no nisintonako ny lohahevitra.

³⁷ Ankehitriny, ny masoandro, eo amin'ny fiposahan'ny masoandro. Eny, nisy fotoana izay nitoeran'izao tontolo izao tao anatin'ny aizina tanteraka. Tsy nisy endrika izy, sady foana. Ary voasaron-drano tanteraka izy, ka nipetraka tao anatin'ny tontolo maizina, manjombona, maizimaizina. Ary nihetsika teo ambonin'io rano io ny Fanahin'Andriamanitra, ka nanao hoe, "Aoka hisy mazava." Nanana antony iray nanaovana an'izany Andriamanitra, nisy voa izay Namboleny tao ambanin'io rano io, ary tsy maintsy mahazo an'io hazavan'ny masoandro io izy mba hanao azy ho velona.

³⁸ Ary ny Hazavana voalohany izay hany nomena teto an-tany dia ny Tenin'Andriamanitra voambara. Ny Hazavana voalohany izay hany nandona ny tany dia ny Tenin'Andriamanitra voambara. Hoy Izy hoe, "Aoka hisy mazava," dia nisy mazava. Izany no namadika ny aizina ho mazava, mba hamokatra famoronam-pifaliana iray sy fiainana teto ambonin'ny tany. Tamin'izay fotoana izay, ny Fanahin'Andriamanitra, raha nihetsika niaraka tamin'ny fitiavana sy fangoraham-po Izany, tamin'io andro lehibe io, ny andro voalohan'ny mangiran-dratsy an'ny famoronana teto ambonin'ny tany; niposaka ny masoandro ary nandefa nanerana, an'ireo tarany, sy nanamaina an'ireo rano hiala amin'ny tany, ka nanao tontolo iray teo amboniny. Ary, ho an'ny fotoany voalohany, dia tsy maintsy nitondra fifaliana sy fiainana teto an-tany izy, tamin'ny alàlan'ny voa iray. Ora iray nalaza izany.

³⁹ Fa, oh, tsinontsinona izany, io fiposahan'ny masoandro io, raha miohatra amin'ilay fiposahan'ny masoandro tamin'io marainan'ny Paska io. Tamin'ity, niaraka tamin'ny masoandro nihanika nankeny amin'ny lanitra, dia namokatra fiposahan'ny masoandro lehibe kokoa nohon'ny hatramin'izay izany; satria vaovao lehibe kokoa no tonga niaraka tamin'io fiposahan'ny masoandro io, noho izay tonga niaraka tamin'ilay fiposahan'ny masoandro tamin'ny voalohany. Nitondra vaovao iray ity fiposahan'ny masoandro ity, hoe, "Nitsangana Izy! Novelomina avy tao amin'ny maty Izy, araka ny Nampanantenainy. Nitsangana tamin'ny maty Izy."

⁴⁰ Ny fotoana voalohany niposahan'ny masoandro, ao amin'ny Genesisy, dia nitondra hafatra iray hoe hisy fiainana eny ambonin'ny tany, fiainana mety maty.

⁴¹ Fa tamin'ity, rehefa niposaka ny masoandro, dia nisy ny-ny fiposahan'ny masoandro anankiroa; hafa iray, ny Zanaka, nitsangana. Izany no...tsy hoe m-a-s-o-a-n-d-r-o [s-u-n] nitsangana fotsiny, fa izany dia ny Z-a-n-a-k-a [S-o-n] no nitsangana mba hitondra Fiainana Mandrakizay ho an'ny Taranak'Andriamanitra rehetra nampanantenaina izay efa Hitany tamin'ny alàlan'ny fahalalana mialoha nipetraka teto ambonin'ny tany.

⁴² Toy izany koa no—no tsy nahafahan'ny zava-maniry ho velona tany amin'ny fiandohana tany raha tsy nisy m-a-s-o-a-n-d-r-o [s-u-n] nitondra azy ho eo amin'ny fiainana; toy izany koa, amin'izao andro izao, rehefa eto ambonin'ny tany ireo zanak'Andriamanitra, dia mila ny Hazavan'ny Z-a-n-a-k-a [S-o-n] izany mba hitondra azy ireo ho amin'ny Fiainana Mandrakizay, ireo hany Nofidiany izay efa Fantany talohan'ny fanorenana an'izao tontolo izao. Izy no nifidy azy ireo tao amin'ny Tenany talohan'ny fanorenana an'izao tontolo izao.

⁴³ Ary tamin'ny marainan'ny Paska, arak'izany, dia tao amin'io vovoka io tany ho any no nipetraka ireo vatantsika tamin'izany fotoana izany, satria vovon-tany isika. Fa tany An-danitra, dia nisy Bokim-pahatsiarovana iray, ary tao Aminy ireo Toetrary, nahafantatra hoe satria nitsangana io Zanak'Andriamanitra io, dia Izzy koa no hanangana ho amin'ny Fiainana ny zanaka rehetra izay voatendry mialoha ho an'io fotoana lehibe io. Fantany fa hisy izany. Ary fitsanganana be voninahitra iray lehibe toy ny inona izany noho izay naha-izy azy tamin'ny voalohany, tamin'ny fotoana izay nisehoany voalohany.

Ankehitriny, eo amin'ity famahana lehibe ny Tombokasen'ny Paska ity!

⁴⁴ Ankehitriny, amin'izao andro izao isika dia manana hajia an'ny raboka iray, an'ny Paska. Mandefa hafatra iray ny olona, ny anankiray ho an'ny iray hafa, ary mba hanohanana an'io tahirim-bola lehibe io na fiezahana, mba hiasan'ireo dokotera sy siansa ara-pahasalamana eo amin'ny zavatra iray, mba hisakana na hanampy ny raboka. Tombokase izy ireo, izay antsointsika hoe hajian'ny Paska, rehefa mifandefa hafatra isika. Fa rehefa mandray an'ilay hafatra isika, dia vahana io tombokase io, satria ilay tombokase no mihazona ny hafatra mifatotra ao anatin'y.

⁴⁵ Ary ankehitriny, ny Tombokasen'ny Paska marina, eo amin'ity fiposahan'ny masoandro ity, dia novahana; ary ilay tsiambaratelo, an'ny Fiainana aorian'ny fahafatesana, dia voambara. Talohan'io fotoana io, dia tsy nahafantatra isika. Izao tontolo izao dia mivondrona ao anatin'ny aizina, miraparapa manodidina, fiahiahian'olona. Ireo foto-kevitra no eo anivon'ny fon'ny olona, fombafomba noforonina. Nanompo sampy ny olona. Nanompo masoandro izy ireo. Nanompo an'ireo karazana andriamanitra rehetra izy ireo. Ary ireo karazan'olona rehetra izay nanao an'ireo fanambarana, dia lasa ao am-pasana izy rehetra, ary nijanona ao am-pasana izy ireo.

⁴⁶ Fa novahana ilay tena Tombokase, ilay Anankiray Izay velona indray mandeha tahaka ny ahavelomantsika, maty tahaka ny hahafatesantsika, ary nitsangana tamin'ny maty. Maraina iray toy ny inona! Tsy misy anankiray tahaka azy, ao amin'ny tantara rehetra an'izao tontolo izao. Nampahafantarina ny tsiambaratelo fa Izzy no sady fitsanganana ary ny Fiainana.

⁴⁷ Ary Izzy no nilaza, rehefa nivoaka Izzy tamin'io maraina io hoe, "Satria velona Aho, dia velona koa ianareo." Tsy Izzy irery ihany no mpahazo tombony amin'ny fitsanganana, fa ireo Voa rehetra izay nipetraka tao anatin'ny teny fikasan'Andriamanitra lehibe dia mpahazo tombony amin'io fitsanganana ho amin'ny Fiainana io. Satria, hoy Izzy hoe, "Satria velona Aho, dia ho velona koa ianareo." Izany no famahana ny Tombokase. Satria nakarina Izzy, dia ho toy izany koa no hampakarana ny tsirairay avy izay ao amin'i Kristy hijaraka Aminy.

⁴⁸ Tamin'io fiposahan'ny masoandro be voninahitra io, dia nanaporofo Andriamanitra, na nanamarina, Ny Teniny. Nesorina ireo alahelo rehetra sy fisalasalana izay nuditra tao amin'ny sain'ny olona, satria teo Izzy Izay velona indray mandeha, nihinana, nisotro, ary niombona tamin'ny taranak'olombelona, izay nanao hoe, "Manana fahefana hanolotra ny Aiko Aho; manana fahefana hanangana azy indray Aho." Ary ankehitriny tsy hoe nanao an'ilay fanambarana fotsiny ihany Izzy, fa Noporofoiny ho ny Fahamarinana izany. Oh, zavatra iray be voninahitra toy ny inona izany!

⁴⁹ Azoko antoka izao maraina izao fa na isika aza, izay mino an'izany, dia afaka mahazo hoe zavatra iray lehibe toy ny inona izany. Satria nitsangana tamin'ny maty Izzy, dia efa nitsangana tamin'ny maty ihany koa isika, satria tao Aminy.

⁵⁰ Mariho ankehitriny. Satria nandrakotra ny tany ilay maizimaizina, ka tsy afaka ny ho velona ireo voa raha tsy nisy an'ilay m-a-s-o-a-n-d-r-o [s-u-n] hiposaka, dia ny maizimaizina no nandrakotra ny tany. Ary ankehitriny ilay Z-a-n-a-k-a [S-o-n] dia nitsangana, ary nataon'io Hazavana io nanjavona ny maizimaizina rehetra, ary niparitaka nanerana ny firenena Izany, nankany amin'ny olona, hoe, "Tsy ato Izzy, fa efa nitsangana Izzy!" Toy ny-fanambarana iray toy ny inona! Noporofoiny Ny Teniny. Noporofoiny Izany ho, ho marina, satria efa nandresy ny fahafatesana Izzy ankehitriny, ny helo, ary ny fasana.

⁵¹ Ilay triniten'ny devoly; fahafatesana, helo, ary ny fasana; satria Satana no mpanao ny fahafatesana, izy no tompon'ny helo, sy ny fasana ihany koa. Ary izany no triniten'i Satana, izay zavatra anankiray ihany no antony, ny fahafatesana izany. Ny fahafatesana, mandeha ao am-pasana ianareo; ary satria mpanota iray, dia mandeha any amin'ny helo ianareo. Ilay tena zavatra iray manontolo, ny triniten'i Satana, dia ny fahafatesana. Izany no nihazona ny olona tao anatin'ny fahababoana nandritr'ireo taona rehetra ireo.

⁵² Fa ankehitriny ilay triniten'Andriamanitra marina, izay Anankiray voaseho tao amin'i Kristy, Izay Fianiana, ka namaha an'ireo Tombokase sy nandresy an'ilay fahavalao, ary nitsangana, ilay Andriamanitra iray marina sy velona. "Izaho no Ilay efa maty, ary velona mandrakizay mandrakizay Aho, sady manana an'ireo fanalahidin'ny fahafatesana sy ny helo." Andriamanitra, ao amin'ny Anankiray, tonga Olona, ary nonina teo anivontsika, ka nandresy ny fahavalao rehetra. Ary nanaporofo fa resy ilay triniten'i Satana, ka nampahafantarina io triniten'Andriamanitra io, satria Andriamanitra irery ihany no nanana fahefana hamerina indray ny Aina. Izzy io Imanoela io. Efa voaseho teo amin'ny nofo Andriamanitra.

⁵³ Tsy mahagaga raha afaka nilaza Izy teo, Matio ny toko faha-27, “Efa nomena eto an-Tànako ny fahefana rehetra any An-danitra sy ety an-tany. Maniraka anareo Aho mba ho Vavolombeloko, ho any amin’izao tontolo rehetra izao.” Resiny avokoa ny fahafatesana, ny helo, ary ny fasana. Tsy izany ihany no Nataony; fa nivoaka, nandresy, niaraka tamin’ny fahefana rehetra any An-danitra sy ety an-tany. Izay rehetra naha-Ray, izay rehetra naha-Fanahy Masina, ary izay rehetra hany nisy, dia tao Aminy. “Efa nomena Ahy ny fahefana rehetra any An-danitra sy eto an-tany.” Tsy manana fahefana ny zavatra hafa rehetra. Izy no nandresy an’izany.

⁵⁴ Ankehitriny! Ary tamin’izay fotoana izay, tsy izany ihany, fa nandefa Teny ho an’ireo Mpianany Izy, ny mino Azy. “Aza matahotra, fa Izaho no Ilay efa maty, ary velona indray mandrakizay mandrakizay. Ary manana an’ireo fanalahidin’ny fahafatesana sy ny helo Aho; efa Noreseko izany. Aza matahotra intsony, satria ny Voan’Andriamanitra voatendry rehetra, voafidy mialoha dia ho tonga amin’ny Fiainana rehefa miparitaka manerana ny tany io Hazavana io, an’ny Filazantsara be voninahitra. Ao amin’ny taona rehetra, dia Izany no hitondra an’ilay vokatra izay nanendren’Andriamanitra Azy mba hataony.” Nitsangana tamin’ny maty Izy.

⁵⁵ Oh, zavatra iray mahafinaritra toy ny inona izany, “Velona aho, na novelomina.” Ilay Teny dia midika, ny teny hoe *novelomina*, midiaka ilay teny Grika fa izany dia zavatra iray izay “natao ho velona taorian’ny fahafatesana.”

⁵⁶ Tahaka ny—ny voa izay mandeha ao anatin’ny tany, tsy maintsy maty izy, ny kely tsirairay an’ilay voa. Tsy maintsy lò izy, ny kely tsirairay an’ilay voa. Ary ny kely tsirairay an’ilay aina, izay tao anatin’ny voa, dia tsy maintsy mivoaka indray.

⁵⁷ Izy dia “novelomina.” Tsy izany ihany. “Ary handefa an’ilay Aina iray ihany izay namelona Ahy, ilay Hery izay nitondra Ahy avy tao am-pasana, handefa an’Izany eo aminareo Aho, mba hamelona anareo, ka izay misy Ahy no hisy anareo ihany koa.”

⁵⁸ Ao amin’ny Lioka, toko faha-24, andininy faha-49. Hoy Izy hoe, “Indro, mandefa ny teny fikasan’ny Ray eo aminareo Aho; fa mahareta ianareo, na miandrasa, ao an-tanànan’i Jerosalema, mandra-panafiana anareo amin’ny Hery avy any amin’ny Avo.” Mba hanehoana fa tsy nisintona fotsiny ihany ny tombony rehetra avy tamin’izany Izy, fa Nozarainy ireo tombony ireo.

⁵⁹ Tonga Izy mba hanavotra, na hitondra amin’ny Fiainana, an’ireo Voa voafidy mialoha izay efa hitan’Andriamanitra talohan’ny fanorenana an’izao tontolo izao ka nametraka ny anaran’izy ireo tao anatin’ny Bokin’ny Fiainana. Ary indro fa eto an-tany izy ireo, tsy manana fanantenana; tonga Izy tsy ho Fitahiana fotsiny ihany, fa hizara ny Fitahiana miaraka amin’ny Voa voafidy mialoha rehetra. Ankehitriny, raha tsy tetô

an-tany ilay Voa, dia tsy afaka ho velona izy. Izany dia tsy maintsy teto an-tany, ary lonaka ihany koa. Tsy mampaninona na hafiriana no Nijanonany tao anatin'ny aizina, hivoaka Izy rehefa mamiratra eo Aminy ilay Z-a-n-a-k-a [S-o-n]. Mariho ankehitriny, tonga Izy mba hizara an'Izany miaraka amintsika.

⁶⁰ Tsy mahagaga raha vaovao tsara ny Filazantsara. Ny tena teny hoe *Filazantsara* dia midika hoe “ireo vaovao tsara.” Ireo vaovao tsara, inona? Raha maty nohon’ny aminareo ny olona iray, dia izany no vaovao tsara. Raha teraka Kristy, dia izany no vaovao tsara. Fa tsy vaovao iray mihitsy, tsy nisy vaovao tahaka an’ity vaovao ity mihitsy, hoe, Izy Izay nanao an’ilay teny fikasana no nanamarina an’ilay teny fikasana, hoe, “Velona mandrakizay mandrakizay Izy, ary manana an’ireo fanalahidin’ny fahafatesana sy ny helo, eny an-Tanany.” Nisava ireo maizimaizina rehetra. Tsy misy maizimaizina intsony ho jerena, satria niakatra avy tao am-pasana ilay Zanaka. Tsy nisy ny hoe, “Eny, ho tonga Izy, na mety ho tonga Izy.” Efa tonga Izy, ilay Filazantsara, ireo vaovao tsara!

⁶¹ Mariho, ny tena Hafatry ny Filazantsara, Izy tenany, dia ny manaporofo amin’ny olona fa nitsangana Izy. “Mandehana teneno ireo Mpianatro fa nitsangana tamin’ny maty Aho, ary hihaona amin’izy ireo Aho, mba hanamarina an’izany amin’izy ireo.” O Andriamanitra, ahoana fa amin’izao andro farany izao dia hisy Hazavana indray manerana ny tany! “Ary hanaporofo amin’ireo Mpianatro Aho! Mandehana teneno izy ireo hoe tsy maty Aho, ary tsy fombafomba iray Aho, fa Kristy velona iray Aho. Hihaona amin’izy ireo Aho. Ento any amin’ireo Mpianatro io Hafatra io, hoe nitsangana tamin’ny maty Aho,” ilay Filazantsara, ireo vaovao tsara.

Hoy ianareo hoe, “Marina ve izany?”

⁶² Hebreo 13:8 no nilaza hoe, “Izy no tsy miova omaly, anio, ary mandrakizay.” Isika, mpahazo tombony Aminy, dia tsy maintsy manaporofo fa ao anatintsika Ny Fiainany ankehitriny, ireo mpahazo tombony amin’io Fiainana io. Ilay Fiainana, tsy nisy fiainana iray niaina tahaka an’izany mihitsy; Izy no Zanak’Andriamanitra. Ary maty Izy, ary izany no nampijanona an’ilay izy; fa rehefa nitsangana tamin’ny maty indray Izy, tamin’ny marainan’ny Paska, tamin’izay fotoana izay isika, amin’ny maha-Mpanompony, no Nirahiny handeha any amin’izao tontolo rehetra izao ka hitondra an’io vaovao tsara io amin’ny olona rehetra, hoe velona Izy. Ary ahoana no ahafahantsika hanao an’izany amin’ny Teny fotsiny ihany? Fa voasoratra hoe, “Ny Filazantsara dia tsy tonga tamin’ny Teny fotsiny ihany, fa tamin’ny hery sy ny fanehoan’ny Fanahy Masina, mba hanaporofo fa velona Izy.”

⁶³ Ankehitriny, raha misy filazantsara hafa iray, araka ny notenenin’i Paoly tamin’ny iray tamin’ireo vondrona, “Tena

gaga aho fa nivadika nankany amin'ny filazantsara hafa iray ianareo." Tsy hoe misy hafa, fa filazantsaran'ny finoana namboarina, ho an'ny anganon'ny ara-anaram-piangonana iray, navadika avy tamin'ireo vaovao tsara.

⁶⁴ "Ary satria velona Aho, dia velona koa ianareo. Ary velona ao anatinareo Aho, ka ireo asa izay Ataoko," Jaona 14:12, "ireo asa izay Ataoko no hanondro ny Tenako ao anatinareo." Hafatra iray toy ny inona! Tsy mahagaga, raha nanana tontolon'ny teolojia maizina iray isika, fa amin'ny andro hariva dia ho tonga indray ny Hazavana. Hisy fitsanganana iray amin'ny andro hariva. Hisy Hazavana amin'ny andro hariva.

⁶⁵ Ankehitriny, ilay tena maha-izy an'ilay Hafatra izay nalefa, hoe, "Nitsangana tamin'ny maty Izy," dia isika mpahazo tombony Aminy, isika izay mizara ny fitsanganana miaraka Aminy, no misintona an'ireo tombony avy amin'izany, amin'ny fanapoforoina amin'izao tontolo izao fa velona Izy. Tsy afaka manao an'izany amin'ny teny fotsiny ihany isika. Tsy afaka manao an'izany amin'ny fombafomban'olona iray isika. Manome taratra marina fotsiny ihany an'izay tondrointsika isika.

⁶⁶ Matahotra aho amin'izao andro izao fa betsaka amintsika no tsy mitondra ny olona eo amin'i Kristy. Mitondra azy ireo eo amin'ny fiangonana iray isika, eo amin'ny foto-kevitra anankiray. Fa tsy maintsy mitondra azy ireo eo amin'i Kristy isika. Izy no Anankiray tokana, ary ilay Anankiray tokana izay manana Fiainana. "Izay manana ny Zanaka no manana Fiainana."

⁶⁷ Ary raha ny fiainan'ny olona iray izay maty no natao tao anatinareo, dia hiaina an'ilay fiainana iray ihany izay niainany ianareo.

⁶⁸ Raha karazany hafa anankiray ny ràn'ny lehilahy iray, ka alainareo ilay rà avy amin'ny lehilahy iray ary soloinareo ny rà avy tamin'ny lehilahy anankiray ho ao amin'ilay hafa, dia ho lasa karazan'io rà io tanteraka izy.

⁶⁹ Ary raha ny fanahinareo izay ao anatinareo no natao maty, ka voahosotr'ilay Aina izay tao amin'i Kristy ianareo, izay eo aminareo! Romana 8:11 no nilaza hoe, "Raha ny Fanahy izay nanangana an'i Kristy tamin'ny maty, no mitoetra ao anatinareo, dia Izany koa no hamelona ny vatanareo mety maty," io Aina io ihany, ireo hery ireo ihany, ireo mpahazo tombony ireo ihany, izay Nanananany teto an-tany, avy tamin'Andriamanitra. Nanavotra anareo Izy, Voa iray izay efa fantatr'Andriamanitra mialoha, ka napetraka eo amin'ny Bokin'ny Fiainan'ny Zanak'ondry talohan'ny fanorenana an'izao tontolo izao ny anaran'izy ireo.

⁷⁰ Ary io Hazavan'ny Filazantsaran'ny fitsanganana io, ilay fanamarinan'ny Teny! Ahoana no nahafantarantsika fa Izy no Kristy? Satria Noporofoiny izay Noresahany. Ahoana

no hahafantarako ny Hafatry ny ora? Andriamanitra no manaporofa an'izay Nampanantenainy, ary Izy no miresaka ny amin'izany. Izany ilay fanondroana, hoe isika no mpahazo tombony miaraka Aminy ao amin'ny fitsanganana. Izy no manaporofa an'izay Noresaahany.

⁷¹ Izay Nampanantenainy fa hatao tao amin'i Kristy, dia Noporofoiny teo amin'ny fitsanganana. Izay Nampanantenainy fa hatao tamin'ny andron'i Mosesy, dia Noporofoiny izany. Izay Nampanantenainy tamin'ny andron'i Enoka, dia Noporofoiny izany. Tamin'ny andro rehetra an'ireo apostoly, dia Noporofoiny izany.

⁷² Ankehitriny amin'izao andro izao, dia manaporofa an'izay Nolazainy Izy, satria ampanhan'io Voa izay voaseho eo amin'ny Bokin'ny Fiainana io izy ireo izay Nahatongavany hanavotra hiverina amin'Andriamanitra indray. Oh, Hafatra iray toy ny inona!

⁷³ Tamin'ny marainan'ny Paska, tsy hoe nitsangana fotsiny Izy, fa ireo mpahazo tombony Aminy dia nitsangana niaraka Taminy. Izy... Tao amin'i Kristy izy ireo tamin'ny fanohomboana Azy. Tao Aminy izy ireo tamin'ny Fitsanganany. Isika no mpahazo tombony Aminy, novelomina rehefa avy maty tao anatin'ny aizina.

⁷⁴ Ilay izao tontolo izao nohamainzinin'ny tsi-finoana, izay misy an'ireo fiangonana sy anaram-piangonana, sy ny sisa, no nisintona antsika. Ary misy zavatra ao anatintsika miantsio hoe, "Oh, mila an'Andriamanitra izahay! Noana sy mangetaheta an'Andriamanitra izahay." Nikambana tamin'ny Metodista isika, Batista, Pentekotista, Presbyterana, ary inona koa, nefà mbola nisy zavatra tsy nety foana tao, tsy mbola nety nahita an'Izany mihitsy isika. Fa tampotampoka teo, raha mbola niraparapa tao anatin'ny aizina isika, dia tonga tamintsika tamin'ny fanehoana ny Tenin'Andriamanitra nampanantenaina ilay fitsanganana lehibe.

⁷⁵ Toy ny hoe, Izy no fanehoana ny Tenin'Andriamanitra nampanantenaina. "Tsy handao ny Fanahiny ao amin'ny helo Aho, tsy hamela ihany koa Ny Iray masiko hahita ny lò Aho." Nasehony Izany, ny Tenin'Andriamanitra rehetra izay nampanantenaina ho Azy. Noporofoiny izany rehefa nitsangana Izy tamin'ny marainan'ny Paska.

⁷⁶ Ankehitriny, ireo izay niraparapa tao anatin'ny aizina fahiny ka nanontany, raha tokony hanasa tongotra amin'ity andro ity izy ireo, na raha tokony hitandrina andro iray manokana, na hanao fehezam-pitsipika iray manokana, ireo zavatra rehetra ireo dia efa lasa. Satria, nisy fitsanganana be voninahitra iray izay nanohittra ny zavatra nataon'olona rehetra izay hany nataon'ny olona, ny fandanjalanjana nataon'olona rehetra.

⁷⁷ Tsy nisy mihitsy, hatramin'io fotoana io, olona iray izay afaka nanolotra ny ainy ka naka azy indray. Nanohitra ny porofo siantifika izay nananan'izy ireo Izy, tamin'ny alàlan'ny fitsanganana indray.

⁷⁸ Rehefa milaza izy ireo, hoe, "Jesosy Kristy dia tsy ilay tsy miova omaly, anio, ary mandrakizay," hoe, "Ny Heriny dia tsy ilay tsy miova," nefo milaza ny Baiboly fa tsy miova Izany! Nanohitra ny anaram-pianganana rehetra Andriamanitra, ny fanekem-pinoana rehetra, ary nandroso niaraka tamin'Ny Fanahiny Masina Izy, araka ny Nampanantenainy, ary nanaporofo an'izany tamintsika, fa velona Izy.

⁷⁹ Isika no mpahazo tombony amin'ny Fitsanganany, novelomina rehefa avy maty tao amin'izao tontolo izao, tao amin'ny fahotana sy ny heloka. "Namelona antsika niaraka Izy niaraka Taminy, nanangana niaraka Taminy, ankehitriny dia mipetraka ao amin'ny toeran-Danitra ao amin'i Kristy Jesosy." Ny famerenany . . .

⁸⁰ Ny Fanahiny no mitondra Ny Fiainany iray ihany indray eto an-tany. "Raha ny Fanahin'Andriamanitra, izay nanangana an'i Kristy," ilay vatana, ilay vatana voahosotra; raha ny Fanahin'Andriamanitra no nanosotra an'io vatana io tahaka an'izany, rehefa milatsaka amin'ny tany io Voa io, dia tsy namela Azy fotsiny hijanona tao Izy. Tsia. Namelona Azy Izy ary nanangana Azy. "Raha io Fanahy iray io ihany," tamin'ny alàlan'ireo asa iray ihany, tamin'ny alàlan'ilay Hery iray ihany, tamin'ny alalan'ireo famantarana iray ihany, "no ao anatinareo, dia Izany ihany koa no hanangana anareo."

⁸¹ Tiako ny hamaky Soratra kely iray ho anareo eto. Tiako ianareo hamadika ao amin'ny Soratra iray hafa izay noraisiko naoty eto. Mety hanampy kely anareo izany. Izany dia hita ao amin'ny Bokin'ny Levitikosy, ny toko faha-23, ny andininy faha-9 hatramin'ny faha-11. Henoy tsara. Ao amin'ny lalàna, lalànan'ny Levita, Andriamanitra no miteny amin'i Mosesy. Henoy. Tandindona ireo zavatra rehetra ireo ankehitriny, ary hijanona eto vetivety isika mba hiditra ao amin'ity tandindona ity.

Ary ny TOMPO niteny tamin'i Mosesy, nanao hoe,

*Mitenena amin'ny zanak'Isiraely, ka lazao amin'izy
ireo hoe, Rehefa ianareo . . . no tonga ao amin'ny tany
izay omeko anareo, . . .*

⁸² "Eo amin'ny faritra, ilay toerana, izay Omeko anareo. Ankehitriny mitenena ianao amin'ny zanak'Isiraely, hoe rehefa tonga eo amin'io faritra manokana izay Nampanantenaiko anareo fa Hitondrako anareo io ianareo, rehefa tonga ao amin'io tany io ianareo." Ankehitriny miresaka ara-nofo eto, manao tandindona ny ara-panahy.

...ka hijinja ny vokatra avy any (voarainareo izay Noteneniko taminareo), amin'izay fotoana izay ianareo dia hitondra amboara iray amin'ny voaloham-bokatra avy amin'ny vokatrareo ho any amin'ny mpisorona:

Ary hanofahofa ny amboara eo anatrehan'ny TOMPO izy, mba hankasitrahana anareo: amin'ny ampitson'ny sabata no hanofahofany an'izany.

⁸³ Raha nisy fombam-pivavahana masina iray, dia tokony hatao amin'ny andro sabata izany, izay ny andro fahafito amin'ny herinandro, izany hoe Sabotsy. Fa efa voamarikareo ve, tao amin'io fahatsiarovana io, ny nanofahofana an'izany tamin'ny andro voalohany amin'ny herinandro?

⁸⁴ “Ilay amboara, izay ny voalohany amin'ny voanareo izay nambolenareo, rehefa mitsiry izany ka masaka, dia tapaho io amboara io ary ento any amin'ny mpisorona. Ary aoka izy handray an'izany ka hanofahofa azy eo anatrehan'ny Tompo, ho an'ny fankasitrahana anareo, hoe nankasitrahana ianareo. Tonga miaraka amin'ny amboaranareo ianareo, ary izy no tsy maintsy manofahofa an'izany eo anatrehan'ny Tompo, amin'ny . . .”

⁸⁵ Tsy amin'ny sabata, ilay andro fahafito; fa amin'ny andro voalohany, izay antsointsika hoe Alahady, A-l-a-h-a-d-y.

⁸⁶ Mazava ho azy, izany dia—dia teny Romana iray, ka niantso an'izany izy ireo hoe ny andron'ny masoandro noho ilay andriamanitra masoandro. Fa toy ny ahoana no niovan'izany!

⁸⁷ Tsy m-a-s-o-a-n-d-r-o [s-u-n] intsony izany. Izany dia a-n-d-r-o-n'-n-y Z-a-n-a-k-a, [S-o-n d-a-y,] ilay andron'ny Zanaka, ka io voam-Bary io (ilay Anankiray voalohany an'Andriamanitra izay nitsangana tamin'ny maty) dia tsy maintsy ahofahofa eo ambonin'ilay fiangonana, hoe isika No Voany; ary izany no voalohany amin'ilay Voan'ireo izay nodimandry, nahofahofa tamin'ny andro voalohany tamin'ny herinandro. Ny Alahady, no nitsangana Izy. Nanofahofa hoe mandra-pihaona, ary niakatra tany amin'ny Avo, teo anatrehan'ny olona.

⁸⁸ Mariho, Izany no voa voalohany an'ny Varin'Andriamanitra izay natsangana tamin'ny maty, voam-Barin'Andriamanitra voalohany. Tamin'ny alàlan'ny Herin'Andriamanitra mamelona, no nameломан'Andriamanitra ny Ainy, nanangana Azy tamin'ny maty, ary Izy no Voaloham-bokatra an'ireo izay nodimandry, ilay Voaloham-bokatra. Izy io Amboara io.

⁸⁹ Izany no antony tsy maintsy nanofahofan'izy ireo an'io amboara io, satria izany no voalohany izay tonga tamin'ny fahamatorana. Ary nahofahofa izany ho fahatsiarovana iray an'ny fisaorana an'Andriamanitra, eo am-pinoana fa ho tonga ny sis amin'izy ireo. Famantarana iray izany.

⁹⁰ Ary, amin'izao andro izao, satria Izy no Zanak'Andriamanitra voalohany ho tonga eo amin'ny fahamatorana feno, ho ao amin'Andriamanitra, dia nesorina niala teto an-tany Izy ary nahofahofa teo ambonin'ny olona. Oh, lesona iray be voninahitra toy ny inona! Tamin'ny alàlan'ny Hery mameleona, ilay Anankiray voalohany! Na dia, Izy aza no—Izy aza no natao tandindona; ary matetika, araka ny ho hitantsika any aoriania, dia natao tandindona Izy. Fa io marina tokoa no Voaloham-bokatra an'ireo izay nodimandry. Nahofahofa teo ambonin'ilay Voa nampanantenaina izay nahazo ny teny fikasan'ny Fiainana Izy.

⁹¹ Nahofahofa Izy tamin'ny Andron'ny Pentekosta, "rehefa tonga ny feo iray avy tany An-danitra tahaka ny fanofahofana iray, rivotra mahery nifofofofo," ary nahofahofa teo ambonin'ny olona, ireo olona pentekotista izay tany tamin'ny Pentekosta, niandry an'ilay Fitahiana ho tonga.

⁹² Ary tsy maintsy ahofahofa indray, mahalala isika, amin'ny andro farany, araka ny Lioka 17:30, amin'ny andron'ny Zanaka indray, "amin'ny andro izay hanambarana ny Z-a-n-a-k'olona," na ahofahofa indray eo ambonin'ny olona.

⁹³ Ankehitriny, Iza ilay Zanak'olona? "Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra. Ary ny Teny dia tonga nofo, ka nonina teo anivontsika." Ary raha ny fampianarana rehetra izay ananantsika, sy ny fanamarinana ny Tenin'Andriamanitra; tamin'ny alàlan'ny Tenin'Andriamanitra, tamin'ny alàlan'ireo famantarana, tamin'ny alàlan'ireo fahagagana, dia hitantsika amin'izao andro izao, fa ao amin'ny Bokin'ny—ny Lioka eto, izay vao avy notononintsika, na ny—ny Lioka ny toko faha-17 ary ny andininny faha-30; sy Malakia 4, ary ireo Soratra samihafa izay fantatsika tsara, fa ahofahofa indray eo ambonin'ny olona io Teny io, ka ireo fombafomba maty an'ny olona dia maty, ary velona indray ilay Zanak'Andriamanitra miaraka amin'ny batisan'ny Fanahy Masina eo anivontsika mihitsy, sy manome Fiainana ho antsika.

⁹⁴ Satria Kristy no Anankiray voalohany nitsangana, avy tamin'ireo mpaminany rehetra, sy ny sisa; na dia natao tandindona any amin'ny toerana maro aza, dia Izy no Voaloham-bokatra an'ireo izay nodimandry. Ao amin'ny Ampakarina, avy amin'i Kristy, mivoaka avy ao amin'ny fiangonana, dia tsy maintsy hisy Amboara iray ahofahofa indray amin'ny andro farany. Oh, oadray!

⁹⁵ Fanofahofana amboara! Inona ilay amboara? Ilay anankiray voalohany izay tonga amin'ny fahamatorana, ilay anankiray voalohany izay nanaporofa fa vary iray izany, izay nanaporofa fa amboara iray izany.

⁹⁶ Haleloia! Azoko antoka fa hitanareo izay resahako. Nahofahofa teo ambonin'ny olona izany. Ary ny fotoana voalohany izay ho avy, ho an'ilay taonan'ny Ampakarina, ho an'ny fitsanganana iray avy ao amin'ny fanaovana anaram-piagonana maizina, dia ho Hafatra iray, hoe niverina indray ao amin'Ny Heriny feno ny fahamatorana feno an'ny Teny, ary efa nahofahofa teo ambonin'ny olona, tamin'ny alàlan'ireo famantarana sy fahagagana iray ihany izay Nataony tany aoriana tany.

⁹⁷ “Satria velona Aho, dia velona koa ianareo,” miresaka amin’Ny Vadiny. “Satria velona Aho, dia velona koa ianareo.” Fitsanganana iray toy ny inona io! Ary fitsanganana iray toy ny inona ity, novelomina avy tamin’ny maty, “natao velona ao amin’i Kristy Jesosy,” tamin’ny alàlan’ny Herin’Andriamanitra mamelelona.

⁹⁸ Nahofahofa teo amin’izy ireo Izzy. Ny Teny, izay Izzy, dia nahofahofa indray teo amin’izy ireo tamin’ny Andron’ny Pentekosta, ny Teny tonga voaseho. Ankehitriny, ary araka ny lazaiko, Izany dia tsy maintsy ahofahofa indray amin’ny andro farany. Ankehitriny, ohatra . . .

⁹⁹ Hoy ianareo hoe, “Eny, ankehitriny, andraso iray minitra, Rahalahy Branham. Mahafantatra fiangonana iray aho izay . . .” Eny, izaho dia mahafantatra, ihany koa. Hitanareo?

¹⁰⁰ Fa ankehitriny, ohatra, ahoana moa raha—raha nandeha niverina tany Tucson isika izao tolakandro izao, ankehitriny, ka ny tsirairay avy amintsika dia nanana ny . . . dia nandeha tao anatin’ny—ny Cadillac goavana iray, tena vaovao be? Ary ny seza rehetra dia vita tamin’ny—ny hodi-diera, ny malemy indrindra amin’ny hoditra, malemy sady malefaka ipetrahana; ary voloina ireo fanambaniny; ny familiana voaisy nikela sy bokotra kely diamondra manerana azy; ary ny motera dia voasedra aramekanika ho motera tsara marina tokoa; ary ireo kodiarana dia . . . nanana an’ireo andry kodia rehetra sady voahosotra menaka; ary ireo kodiarana dia voaporofo tanteraka fa tsy ho vaky sy tsy mety hipoaka; ary voasedra ara-siantifika ny rehetra.

¹⁰¹ Efa nivoaka an'ilay toera-pampitambarana izy ireo, izy roa ireo, ary feno lasantsy izy roa ireo. Izany ilay hery manosika, ny lasantsy, satria misy octane ao anatin'y. Fa ankehitriny rehefa hamelona azy ireo ianareo, na tena mitovy mihitsy aza izy roa ireo, fa ny iray amin'izy ireo eo dia tsy manana tselatr'afy, hery mandrehitra.

¹⁰² “Eny,” hoy ianareo, “ao anatin’ilay lasantsy ny hery, Rahalahy Branham.” Fa tsy ahoako na hery firy no ao anatin’ilay lasantsy; raha tsy misy tselatr'afy iray ao haneho an’io hery io, raha tsy misy hery iray ao hanamarina fa lasantsy io, mety ho rano mihitsy koa izany. Mandra . . .

¹⁰³ Tsy mampaninona na firy no lazain'ireo teolojiana, tsara petraka toy ny ahoana no anaovanareo ny fiangonanareo, fianarana firy no anananareo, na mitovy amin'ny Baiboly toy ny ahoana; mandra-pihofahofan'io Amboara io, mandra-pahatongan'ny Fanahy Masina eo amin'io olona io mba hamelona an'io Teny io! Maneho ny Teny ny lasantsy. Izany no Fahamarinana; saingy, raha tsy misy ny Fanahy, dia tsy hihetsika Izany.

¹⁰⁴ Mametraka tsindrim-peo be loatra eo amin'ireo Mekanika isika nefo tsy misy na inona na inona eo amin'ilay Dynamika. Izany dia mila an'ilay Herin'Andriamanitra dynamika, ilay Herin'ny fitsanganan'i Jesosy Kristy eo amin'ny Fiangonana, mba haneho sy hampiseho fa lasantsy *Ity*. Mety ho ao anatin'ny dabab-dasantsy iray izany; mbola mety ho rano foana, hitanareo. Fa ny porofo tokana an'izany, dia, apetraho eo ambonin'io Fiaianana io, ary Izany no hanaporofo na lasantsy ilay izy na tsia.

¹⁰⁵ Ary rehefa miezaka ny hametraka ny Fanahy Masina ao anatin'ny anaram-piangonana iray ianareo, dia toy ny miezaka mihitsy ianareo... Afaka hahazo fitatatatana iray ianareo; hanimba ny moteranareo ianareo, amin'ny fanaovana azy feno karbôna.

¹⁰⁶ Fa, oh, tena faly aho fa misy Herin'ny octane iray alina anankiray, ny Tenin'Andriamanitra sy Fanahy Masina iray handrehitra an'Izany, ary hanangana ny Herin'Andriamanitra ao amin'ny fiainan'ny lehilahy iray, na ny fiainan'ny vehivavy iray, na ao amin'ny fiangonana anankiray. Izany no hanosika an'io Cadillac io any amin'ny lâlana any, eo ambanin'ny Hery dynamikan'ny Fanahy Masina izay niverina ka nahofahofa teo ambonin'ny olona tamin'ny Andron'ny Pentekosta, manao Azy ho tsy miova omaly, anio, ary mandrakizay.

¹⁰⁷ Io no Amboara voalohany izay nivoaka avy tamin'ireo mpaminany rehetra, dia ny Zanak'Andriamanitra, ilay Mpanjakan'ny mpaminany rehetra.

¹⁰⁸ Efa nisy ireo fiangonana, ireo fiangonana, ireo ampakarina, ireo ampakarina, ireo fiangonana, ireo ampakarina, ireo ampakarina.

¹⁰⁹ Fa tsy maintsy tonga ny Anankiray! Haleloia! Tsy maintsy tonga ny tena Ampakarina iray! Tsy maintsy tonga ny Anankiray izay tsy manana an'ireo Mekanika fotsiny ihany, fa ireo Dynamikan'Izany, manao an'io Fiangonana io ho velona, mihetsika ao amin'ny Herin'ny Fitsanganany. Mandrapahatongantsika eo amin'io toerana io, mandra-pahitantsika an'io toerana io, dia inona no soa ataon'ny fanaovana an'ireo haingon-kodiarana hangirana? Inona no soa ataon'ny fanomezana azy vatana nohavaozina na asa fanaingoana iray, nefo tsy misy an'ireo Dynamika ao anatiny? Tsy mampaninona

na firy no anaporofoina an'ireo Mekanika ho tsara, tsy maintsy misy Dynamika iray hanao Azy hiasa.

¹¹⁰ Izany no Noporofoiny! Haleloia! Izany no noporofoiny' Paska. Tsy ny Teny fotsiny ihany Izy, fa Izy no Andriamanitra Izy tenany, ireo Dynamika, ao amin'ny Teny. Izany no nanao an'ilay vatan'i Jesosy Kristy (nangatsiaka, henjana, ary maty, tao am-pasana) hitsofoka tao amin'ny Fiainana sy nitsangana indray, ary nanosika an'ilay vato. "Izaho no Ilay efa maty," tena maty hany ka nilaza ny masoandro fa maty Izy, nilaza ny volana fa maty Izy, nilaza ireo kintana fa maty Izy. Nilaza ny natiora rehetra fa maty Izy. Ary ankehitriny izao tontolo rehetra izao dia tsy maintsy manaiky fa velona indray Izy. Tsy ireo Mekanika fotsiny ihany Izy, Tenin'Andriamanitra, Izy no Dynamika mba hanaporofo an'Izany.

¹¹¹ Ary satria Izy, amin'ny maha-Mpampakatra, dia tsy maintsy mivoaka ny Ampakarina, satria Ampahany Izy. Ary afaka fotsiny ho ny fanehoana ny fahafenoan'ny fanambarana rehetra Izany izay nitenenan'ny hafa rehetra ny amin'ny Ampakarina; afaka maneho fotsiny Izy. Raha manao zavatra hafa noho ilay Mpampakatra izy, dia tsy ny Ampakarina izany. Satria, nofon'ny Nofony Izy, taolan'ny Taolany; Ain'Ny Ainy, Herin'Ny Heriny! Izy [She] dia Izy! [Him!] Tahaka ny maha-iray ny lehilahy sy ny vehivavy, ary nalaina avy tao amin'ny tehezany ny vehivavy; nandray Fanahy iray Izy, ilay Fanahy vehivavy, avy Taminy. Ilay nofo avy tao amin'ny Tehezany, no nanao an'ireo Mekanika sy ireo Dynamika, ilay Vady. Ny Fanahy avy Aminy sy ny nofo avy Aminy, ary nametraka an'izany niaraka, no nanao an'ireo Mekanika sy ireo Dynamika. Mandra-pahatongan'ny fiangonana na ny olona . . .

¹¹² Ireo bitron'ny Paska rehetra, sy ireo fotoam-pivavahana, sy ireo fiangonana goavana, ary haingo, dia hitsahatra ka ho lasa.

¹¹³ Mandra-pahatongan'io Fiangonana io ho lasa sady Dynamika no Mekanika; ary ny Fanahin'Andriamanitra, izay nanetsika Azy, mba hanao an'ireo zavatra izay Nataony! Raha miakatra enina ambin'ny folo cylindres Izy, dia ho toy izany koa ny Ampakarina. Amena! Satria Izy no nilaza, ao amin'ny Jaona 14:12 hoe, "Izay mino Ahy, ireo asa izay Ataoko no hataony koa. Hanome azy fahana iray avy amin'Ny Dynamikako Aho, ao amin'ny Mekanikany, ka tsy afaka hanohittra azy izao tontolo izao; ary Izaho no hanangana azy indray amin'ny andro farany." Izany no Hafatry ny Paska, ireo Dynamika sy ireo Mekanika, miaraka! Ireo Mekanika tsy misy an'ireo Dynamika, dia tsy tsara; na koa ireo Dynamika, tsy misy an'ireo Mekanika.

¹¹⁴ Afaka miantsontso sy mihiakiaka ianareo, ary mitsambikina ambony-sy-ambany, izay rehetra tianareo, nefà mandà an'ity Teny ity, tsy hahavita soa izany. Ianareo dia manodina fotsiny an'ireo—ireo tavoka an'ny . . . Manana an'ilay

tselatr’afô handrehitra eo, nefâ tsy misy lasantsy hampirehetana azy.

¹¹⁵ Hiasa fotsiny araky ny fahatongavan’izy ireo miaraka izany. Amena! Noho izany, ny anankiray dia hipetraka tsara, ary ilay Anankiray hafa dia hiakatra. Izany ilay zavatra tokana ao amin’izany. Kanefa, mety hitovy izy roa, mihambo ho fiangonana izy roa, mihambo ho Ampakarina izy roa. Saingy manana an’ireo Mekanika *sy* ireo Dynamika ny Anankiray, Izany no manao an’ilay izy hiseho, hoe izay Nolazainy dia ny Fahamarinana.

¹¹⁶ Tsy hihetsika fotsiny izany, tsy mampaninona na tsara toy ny ahoana aza ireo Mekanika, mandra-pahatongan’ireo Dynamika. Rehefa tonga ireo Dynamika, dia natao hifandray amin’ilay octane ao anatin’ny lasantsy io Afo io. Ary rehefa mipoaka Izany, dia miteraka firehetana iray, ary io firehetana io no manetsika ny fandehanana rehetra, ny hetsika rehetra, satria Izy no tsy miova omaly, anio, ary mandrakizay. Izany no fitsanganana. Izany ilay tena Herin’Andriamanitra, ireo Mekanika miaraka amin’ireo Dynamika. Mariho, “Izany ilay Fanahy izay mamelona.” Izany ilay—izany ilay Tselatr’afô izay mandrehitra. Tsy ilay solika no mandrehitra; ilay Tselatr’afô no mandrehitra an’ilay solika. Hitanareo?

¹¹⁷ “Tsy afaka manao na inona na inona ianareo raha tsy misy Ahy; fa miaraka Amiko ianareo dia afaka manao ny zavatra rehetra.” Satria Izy no Teny, Izany no Ray velona. “Ny Ray no naniraka Ahy, noho izany maniraka anareo Aho. Satria ny Ray no nandrehitra Ahy sy nanosika Ahy tao anatin’ny zavatra rehetra, dia manao fotsiny an’izay mahafaly an’Andriamanitra Aho. Ankehitriny, tahaka ny Nanirahany Ahy, dia toy izany koa no Anirahako anareo miaraka amin’ireo Mekanika iray ihany, ary mila an’ireo Dynamika iray ihany izany mba hampandeha Azy. Ary izao famantarana izao no hanaraka an’ireo izay mihambo fa manana an’ireo Mekanika. Haka ny Toerany ireo Dynamika.”

¹¹⁸ Hoy i Paoly hoe, “Tsy tamin’ny Teny ihany no nahatongavan’ny Filazantsara tamintsika,” tamin’ny alàlan’ny lasantsy ihany, “fa tamin’ny alàlan’ny Tselatr’afô ihany koa,” mba hanao Azy hihetsika. Eo ianareo izao. Tonga tamintsika tamin’izany fomba izany Izy.

¹¹⁹ Izany ilay Fanahy iray ihany, izay nanangana Azy, izay namelona an’ilay mpino marina ho amin’ny Fiainana Mandrakizay. Ankehitriny tsarovy, amin’ny ampahany... Ankehitriny diniho, raha lasa ny fotoantsika. Mariho, “ilay Fanahy iray ihany,” ankehitriny, Romana 8:1. Ndaô isika ankehitriny hamaky an’izany indray, ao amin’ny Romana 8:1, dia ho hitantsika izay lazainy. Eny ary. Ary tsy ny Romana... Ny tiako lazaina dia, 8:11, miala tsiny aho.

¹²⁰ Ao amin'ny Romana 8:11, “Fa raha . . .” Eo ny olana. Eo ilay Fandriny.

Fa raha ny Fanahin’izay (Andriamanitra, ny Fanahy Masina) *nanangana an’i Jesosy tamin’ny maty no mitoetra ao anatinareo, . . .*

¹²¹ Ankehitriny, eo ianareo izao, “Raha ny Fanahin’ny Mpampakatra no mitoetra ao anatin’ny Ampakarina!”

¹²² Rehefa nanao ny Mpampakany voalohany Andriamanitra, nanao ny mpampakatra Izy aloha, ary izy dia sady lehilahy no vehivavy, tao amin’ny fanahy; nanao azy tamin’ny vovon-tany, mba hanao azy ho vaingan-javatra. Ary mariho fa rehefa nanao an’i Eva Izy, avy tamin’i Adama, dia tsy naka silaka tanimanga hafa iray Izy, naka avy tamin’ilay silaka tanimanga iray ihany Izy; ilay Teny iray ihany, satria Teny voambara iray i Adama. Hitanareo? Naka avy taminy Izy, ary avy eo naka ny . . . Nanana fanahy lahy sy vavy izy. Ary Nesoriny avy tao amin’i Adama ilay fanahy vavy, ka napetrany tao amin’i Eva; noho izany mbola ampahan’ny fanahin’i Adama foana izy,nofon’i Adama izany. Avy eo, ny fanahin’i Adama, ilay dynamika, no namelona an’ireo mekanikan’ny vatany.

¹²³ Noho izany ny Ampakarina dia tsy maintsy nofon’ny Nofony, sy taolan’ny Taolany. Noho izany ahoana no hahatonga an’io nofo mety io ho Nofony? Hiditra ao amin’izany isika ao anatin’ny iray minitra, hitanareo. Ahoana no nanaovana an’izany? Ahoana? Inona ilay fanovàna lehibe? Mariho.

Ankehitriny raha ny Fanahin’izay (Andriamanitra) *nanangana an’i Jesosy tamin’ny maty no mitoetra ao anatinareo, dia izay nanangana an’i Kristy tamin’ny maty ihany koa no mameleona ny vatanareo mety maty amin’ny Fanahiny izay mitoetra ao anatinareo.*

¹²⁴ Oh, oadray! Ilay Anankiray voafidy mialoha, mazava ho azy, tahaka an’ilay Voa izay nipetraka teo ambonin’ny tany, ilay Anankiray izay nanana Aina tao amin’izy ireo. Maro tamin’izy ireo no efa maty; voa lò fotsiny izy ireo; ireo rano sy ny sisina no nanimba azy. Fa, fantatrareo, nisy Voa iray vonona ho an’ny Fiainana nandry tao. Fantatr’Andriamanitra fa nandry tao Izany.

¹²⁵ Ankehitriny, Ireo voafidy mialoha no voalohany hovelomin’ny Fanahy Masina, satria tonga hitaky ny Azy Manokana ny Fanahy Masina. Ankehitriny, lalina izao ankehitriny, ary aoka hanana antoka hahazo tsara an’izao.

¹²⁶ Ankehitriny, tahaka ny masoandro nandeha nitety ny tany, tsy ny hitondra vato, izay vovoka ihany koa, ho amin’ny fiainana, tsy natao hitondra ny vovoka rehetra ho amin’ny fiainana izy, fa natao hitondra an’ilay ampaham-bovoka izay voahodidin’ny fiainana iray.

¹²⁷ Tsy ny olona rehetra no handray an'i Kristy. Oh, tsia. Fa ireo izay notendren'Andriamanitra mialoha ho amin'ny Fiainana, izay voahidy ao amin'ny vovon-tany iray, izany ilay Anankiray izay Ahatongavany hovelomina. Ireo no Izzy.

¹²⁸ Fa, ankehitriny, hipetraka eo amin'ny masoandro eo io vovoka io, ka hanao hoe, "Oh, tena mahamay loatra io masoandro antitra io!" Io vato io, hanao hoe, "Tena mahamay loatra io masoandro antitra io!" Fa io voa kely io, dia nanao hoe, "Izany no tadiaviko," ary nanomboka nivoaka ho amin'ny fiainana izy. Izany no namelona an'io ampaham-bovoka io. Satria, tsy nirahina hamelona an'ilay vato ny masoandro, tsy hamelona ny vovoka, fa hamelona ny ain'ilay voa.

¹²⁹ Ankehitriny, tonga ny Fanahy Masina ankehitriny. Mazava ho azy, Izzy dia tsy nirahina . . . Nahoana no tsy handray Azy ny olona rehetra? Tsy nirahina ho azy ireo Izany.

¹³⁰ Niteny tamiko ny zalahy iray hoe, "Tsy mino aho. Tsy ahoako izay ho lazainao. Raha afaka nanangana ny maty ianao, na ny zavatra rehetra, sy nanasitrana ny marary; ary nanaporofa an'Izany, amin'ny fomba rehetra; dia mbola tsy mino an'Izany aho."

¹³¹ Hoy aho hoe, "Tsia tokoa. Tsy mpino iray ianao. Tsy midika zavatra iray ho anao Izany. Tsy nirahina ho anao akory aza Izany. Izany dia nirahina ho an'ireo izay hino."

¹³² Ho an'ny mpino ny Hafatra. Ho an'ireo izay levona, dia fahadalana Izany; fa ho an'ireo izay ao amin'i Kristy, sy ampanhan'io Voa io, dia Fiainana Izzy.

¹³³ Ilay tantara keliko taloha mikasika an'ilay mpiompy nametraka ny atody tao ambanin'ny, na ilay atodim-boromahery tao ambanin'ny akohovavy. Hitanareo? Io voromahery kely io dia, marina tokoa, izy dia—izy dia zava-boahary hafahafa, kely iray. Rehefa nanao an'io zavatra izay nataony io ity mpiompy ity, nametraka an'io atodim-boromahery io tao ambanin'io akohovavy antitra io. Ka nafoy akoho hafahafa iray, ary izany dia—izany dia vorona mahatsikaiky, kely iray. Tsy nitovy tamin'izy ireo izy. Tsy nitovy tamin'ny sisa tamin'izy ireo ny volony, fa izy—izy fotsiny . . . Izzy dia zalahy mahatsikaiky, kely iray. Ary nanaiky azy ho vorona mahatsikaiky iray ny sisa rehetra tamin'ireo akoho. Koa nandeha teo ilay akohovavy . . .

¹³⁴ Tsy tia an'ilay sakafio mahazatra izay namahanany azy akory aza izy. Tsy tia an'io fangadingadiana an'ilay tranon'akoho io mihitsy izy. Izzy, tsy nisy nidirany tamin'izany. Noho izany dia nanontany izy hoe ahoana no tsy maintsy na ha-anankiray nahatsikaiky azy teo, na ahoana na ahoana. Hitanareo? Ary tsy nanandrana na inona na inona mihitsy izy izay . . . Nihinana izay ampy hihazona azy ho velona fotsiny izy, satria tsy tiany ny hanandrana an'izany, hitanareo. Satria, tsy akoho iray izy, eo am-panombohana. Hitanareo?

¹³⁵ Fa ilay—ilay akohovavy dia nikohokoho, ary, fantatrareo, “Efa lasa ireo andron’ny fahagagana. Tsy misy ny zavatra tahaka an’izany. Mikambàna amin’ny fiangonana.” Tsy nety nidona tsara fotsiny izany, ho an’ilay zalahy kely. Noho izany nanaraka an’ilay akohovavy izy mandra-pahatongan’ny andro anankiray izay ny mamany . . .

¹³⁶ Fantatr’ilay voromahery antitra hoe nametraka atody betsaka izy, fa nisy tsy ampy anankiray. Fantany fa tany ho any io voromahery io, noho izany nanomboka nivoaka teo amin’ny fitadiavana azy izy. Ary nihodinkodina teo ambonin’ny tampon-tendrombohitra izy, sy teny amin’ireo lohasaha, ary hatraiza hatraiza izay mety hisy azy. Tamin’io fotoana io, izy, izany no fotoana hahaterahany. Izany no fotoana hafoy azy. Hoy izy, “Angamba nisy goaika iray tonga ka naka ny atodiko; angamba voltora iray. Tsy fantatro. Nisy zavatra iray naka ny atodiko. Fa fantatro . . . Ato an-tsaiko io atody io. Manana zanaka iray aho any ho any. Tsy maintsy mitady azy aho.”

¹³⁷ Toy izany koa no ataon’Andriamanitra. Izy io Voromahery Lehibe io. Tao amin’ny Fisainany dia Fantany fa banana Fiangonana iray Izy. Fantany fa banana vahoaka iray Izy. Tsy mampaninona izay mamihina azy ireny, tsy mampaninona na teo ambanin’ny inona izy ireo no foy, mitady Izy. Mitady ny Azy Manokana Izy.

¹³⁸ Ary indray andro, hoy ilay tantara, dia nanidina teo ambonin’ilay tranon’akoho ity voromahery antitra ity. Nijery hatraiza hatraiza izy, ary hitany izy. Oh, satria io fitsanganana io, ny mahalala fa tsy akoho iray marina tokoa izy, na izany aza. Voromahery iray izy! Ary nampianarina foana izy hijery ambany, hitady bibikely iray na zavatra iray tao anatin’ilay tranon’akoho. Fa nandre antsoantso iray izy, izay nanao hoe, “Mijere *aty* ambony *aty!*” Dia nijery ny teo amboniny izy, ary nisy zava-boahary iray teo niaraka tamin’ny elatra efatra ambin’ny folo dian-tongotra, mahery lavitra nohon’ny akoho rehetra izay tao anatin’ilay tranon’akoho, ka nihambo azy ho zanany.

Hoy izy hoe, “Mama, ahoana no ahafahako ho tonga eny amina?”

¹³⁹ Hoy izy, “Mitsambikìna fotsiny, manomboha manakopaka ny elatralo, satria voromahery iray ianao.”

¹⁴⁰ Hitanareo, fantany fa nanana zanaka iray izy tany ho any. Tsy mampaninona na tao anatin’ny inona no nitaizana azy, manana zanaka iray izy any ho any.

¹⁴¹ Ary mahafantatra Andriamanitra! Haleloia! Manana Fiangonana iray voafidy mialoha, voatendry mialoha Izy! Fantany fa manana zanakalahy sy zanakavavy Izy, ary Ampakarina iray, miandry any ho any; rehefa manomboka manidina eo ambonin’izany ny Fanahy Masina, io Amboara

mihofahofa io. Oh, oadray! Izy no tsy miova omaly, anio, ary mandrakizay. Tsy tantara angano iray, fa zava-misy anankiray!

¹⁴² Tsy mampaninona na firy no niezaka niteny taminy hoe, “voromahery iray,” tsy fantany hoe inona ny voromahery. Kanefa, voromahery iray izy. Tsy azony izany mandra-pahitany zavatra iray izay nitaratra azy, izay notarafiny, raha ny marina.

¹⁴³ Ary rehefa mahita isika, tsy anaram-piangonana iray, tsy Ph.D. iray, tsy LL.D. iray, tsy mpiara-monina tsara iray; fa zanak'Andriamanitra iray voalasitra tao amin'ny endrik'Andriamanitra, miaraka amin'ilay Herin'Andriamanitra dynamika mba hamaly ny fanontaniana an'izao andro izao, hoe Izy no tsy miova omaly, anio, ary mandrakizay, dia tsy hisy akohovavy iray hihazona anareo intsony. Mitady ny Mamany izy. Voromahery iray izy, eo am-panombohana. Mahalala izy. Io tena voromahery io dia mahalala ny antson'ny Tenin'Andriamanitra. Nahoana? Voromahery iray izy. Voromahery iray mankany amin'ny voromahery anankiray! Ny Teny talohan'ny fanorenana, ny Teny mankany amin'ny Teny! Ny Teny, voafidy mialoha, mankany amin'ny Teny voasoratra ho an'ilay ora. Mahalala ny toeranareo ianareo. Izy dia mitady an'Izany.

¹⁴⁴ Arak'izany, ity vatan'ny tany ity, dia novelomina sy nentin'ny Fanahin'Andriamanitra mameleona mankany amin'ny fankatoavana ny Tenin'Andriamanitra.

¹⁴⁵ Haingana mihitsy. Rehefa te-hahafantatra izy hoe ahoana no hahafahany ho tonga eny hiaraka aminy, efa nampianarina izy hoe tsy afaka hanao an'izany. “Tsy afaka hiakatra avo hohoatra an'izay ahafahanao hitsambikina ianao.” Akoho iray izy. Hitanareo?

Fa hoy io voromahery io hoe, “Tsy izany ilay izy.”

“Eny, jereo ireo akoho!”

¹⁴⁶ “Tsy mampaninona na inona ireo akoho, voromahery iray ianao. Manomboha fotsiny mameletra an'ireo elatra ireo, ary manaovala fanazaran-tena kely iray an'izy ireo. Manomboha miakatra!”

¹⁴⁷ Ny Teny mankany amin'ny Teny! “Ireo asa izay Ataoko no hataonareo koa. Izay mino Ahy, ireo asa izay Ataoko no hataony koa.” Hitanareo? “Satria velona Aho, dia velona koa ianareo.” “Ary raha ny Fanahy izay nanangana Azy tamin’ny maty no mitoetra ao anatinareo, dia Izany no mameleona ny vatanareo mety maty.” Hitanareo?

¹⁴⁸ Inona no Ataony? Ankehitriny henoy, mba hahafantarareo. Ary ity Paska ity, tiako izany hisy dikany aminareo mihoatra nohon'ny nataon'ny Paska rehetra hatramin'izay. Hitanareo? Tiako ianareo hahita azy. Fantatsika izay nataon'Izany ho Azy; fa tiako ianareo hahita azy, tsy hataony, efa nanao an'ilay zavatra iray ihany ho anareo Izany.

Hitanareo? Inona no Ataony? Mamelona an'ilay vatana mety maty Izy. Ity vatana mety maty izay iainantsika ity, Izany no mamelona azy, amin'ny teny hafa, dia mitondra azy ho amin'ny Fiainana.

¹⁴⁹ Ankehitriny, ianareo izay nitsangatsangana fahiny niaraka tamin'ny sigara goavana be iray teo am-bavanareo, sy ny zavatra rehetra, na andian-tsigara; ary ianareo vehivavy izay nanana volo fohy fahiny, niloko tarehy, sy nanao hadalana, ary nanao sorta, sy ireo zavatra tahaka an'izany; tampoka teo, dia nisy Zavatra niantsoantso, ka njery teto ambany teto ianareo ary ny Teny Izany. Hitanareo, Izany no namelona ny . . . Hoy ianareo hoe, "Tsy misy sorta intsony ho ahy, tsy misy alikaola intsony ho ahy, tsy mandainga intsony, tsy mangalatra intsony, tsy *ity*, *itsy* intsony." Hitanareo? Ny Fanahy izay nanangana Azy tamin'ny maty, izay mitoetra ao anatinareo, no hitondra ihany koa ny vatanareo mety maty, ilay vovon-tany, ao amin'ny fanekeena. Hitanareo? Inona izany? Fanekeena ny inona? Kristy. Iza Kristy? Ny Teny. Tsy ny teolojia, fa ny Teny!

¹⁵⁰ Tamin'izany fotoana izany ianareo milaza, fa, "Ireo zavatra ireo, oh, mihevitra aho fa mety tsara ho an'ny vehivavy ny manao pataloa."

¹⁵¹ Nefa, hoy ny Teny hoe, "Tsia." Hitanareo, Izy no mamelona anareo ho amin'Io. Hitanareo? Voatarika ho eo Aminy ianareo. Hitanareo, izany ianareo, tamin'izany fotoana izany. Izy dia lasa . . . Lasa amphanan'ny Teny ianareo. Izany no nitondra ny vatanareo, tsy . . .

¹⁵² Eny, hoy ianareo hoe, "Eny, ankehitriny, avelao aho hiteny zavatra iray aminao. Ny pasiterako . . ." Tsy ahoako izay nolazain'ny pasiteranareo; ilay izy dia izay lazain'ny Teny! Raha te-ho akoho iray ianareo, dia mandehana miaraka aminy. Fa raha miteny hafa noho ity Teny ity ilay pasitera, amin'izay fotoana izay dia tsy mpamahana voromahery izy; ah-hah, mpamahana akohovavy izy, hitanareo, fa tsy voromahery. Hitanareo? Ny Voromahery dia mihinana eo amin'ny Sakafom-boromahery. Hitanareo? Mamelona Izany!

¹⁵³ Nilaza ny Baiboly fa ratsy ny manao an'izany, ary ny olona sy ny sisa ary izay rehetra ataoareo, dia ratsy izany. Hoy ianareo, "Efa lasa ireo andron'ny fahagagana." Nilaza ity Baiboly ity fa Izy no tsy miova omaly, anio, ary mandrakizay. Raha hoy izy ireo hoe, "Fifandraisana ara-tsaina izany. Ary karazana famakiana saina iray izany, io famantarana io. Ary ireo fahitana rehetra sy ny sisa ireo, dia hadalana," hitanareo, akoho izy ireo. Tsy fantany hoe inona no Sakafom-boromahery.

¹⁵⁴ Fa, rahalahy, rehefa mandre an'io antsoantso io ianareo, dia misy Zavatra iray ao anatinareo! Voromahery iray ianareo, eo am-panombohana. Nahoana? Ianareo io Voa io, izay niposahan'ilay fitsanganan'ny Z-a-n-a-k-a [S-o-n], sy ilay

Amboara mihofahofa eto ambonin'ny tany, mba hanao anareo hahalala fa voromahery iray ianareo fa tsy akoho anarampiangonana anankiray. Hitanareo ve izany? Hah!

¹⁵⁵ “Raha ny Fanahy izay nanangana Azy tamin’ny maty,” ny Teny, ny Dynamikan’ny Teny, “no mitoetra ao anatinareo, dia Izany ihany koa no mamelonan ny vatanareo mety maty.” Ankehitriny ahoana no maha-nofon’ny Nofony sy taolan’ny Taolany antsika? Satria, haingana mihitsy, raha mbola mpanota mety maty isika, mety maty, vonona ny ho faty, ireto vatana ireto, dia Izany no mamelona an’ity vatana ity. Inona ny hoe *mamelona?* “Mitondra ho amin’ny Fiainana.” Ilay fanahy izay tia misotro fahiny, mandehandeha, mijangajanga, sy ireo rehetra ireo, dia novelomina; nahoana, maty ilay zavatra, ary natsangana ianareo. Izany no mamelona ny vatanareo mety maty.

¹⁵⁶ Noho izany, tempolin’ireo Dynamika ny vatanareo, satria (nahoana?) amphan’ireo Mekanika ianareo hatrany amin’ny voalohany. Oh! Io ilay fitsangananareo. Io ilay Fianganana ao amin’ny fitsanganana, miaraka Aminy. Ireto vatana ireto dia novelomina izao ankehitriny izao. Hitanareo, efa nandre ianareo; mino ianareo. Izany no nanova anareo avy tamin’ny anarampiangonana iray ho ny Teny. Hitanareo?

¹⁵⁷ Ireo Dynamika, raha tonga eo ambonin’ny rano Izany, dia hitatatafotsiny; “Efa lasa ireo andron’ny fahagagana.” Pomp-pomp-pomp, “Oh, mino ny Baiboly aho,” pomp-pomp-pomp, “fa tsy—tsy misy ny . . .” Pomp-pomp-pomp! Hitanareo?

¹⁵⁸ Fa rehefa mandona an’io octane arivo iray io Izzy, “Vhrrrrr,” lasa lavitra izy, hitanareo. Toy ny ahoana, oadray, no handonan’ireo Dynamika Azy! Fa raha mandona akoho iray Izany, dia tsy hahavita soa. Fa rehefa mandona an’ilay voromahery Izany, dia mivoaka izy. Amena! Ireo Dynamika miaraka amin’ireo Mekanika! Hitanareo ve izay tiako lazaina? Izany hoe, raha tena voromahery iray izy ankehitriny, dia izy no “hahazo.”

¹⁵⁹ Mamelà ahy hanazava Soratra kely iray ho anareo eto. Heveriko fa tsy ao amin’ny telefona intsony isika, saingy mbola eto foana. Masindahy Jaona 5:24, hoy Jesosy hoe, “Izay mandre Ny Teniko, ka mino Izay naniraka Ahy, no manana Fiainana mandrakizay.” Jereo ankehitriny, raha midina eny an-dàlambe aho ka mandray an’izany ara-bakiteny mihitsy, ny Aminy, tsy manana fahazoana ara-panahy . . . Tsy manao an’Izany hilaza zavatra hafa, fa milaza fotsiny an’izay Lazainy, hitanareo, ilay teny marina eo, amin’ny Grika, ao amin’ny tany am-boalohany, izany dia milaza hoe, “Izay mahazo Ny Teniko.”

¹⁶⁰ Ankehitriny, mba hanaporofoina fa marina izany. Mandeha eto aho, dia indro ny mamo lava iray tonga eny an-dàlambe, ary miaraka amin’ny vadim’ny lehilahy hafa iray eo an-tsandriny,

sy miteny ratsy, sy manonona foana ny Anaran'Andriamanitra, ary ny zavatra hafa rehetra tahaka an'izany. “Hono ho’aho, efa renao ve izay nolazain’io mpitory teny io? Renao ve?” “Hia, reko Izany!” Izany tsy midika hoe manana ny Fiainana Mandrakizay izy. Hitanareo? Hitanareo?

“Izay mahazo Ny Teniko,” izay voromahery iray!

¹⁶¹ “Ankehitriny, Rahalahy Branham, mila Soratra betsaka noho izany aho.”

¹⁶² Eny àry, “Ny Ondriko mandre Ny Feoko. Tsy hanaraka vahiny iray izy ireo.”

¹⁶³ Tahaka ny tao amin’ilay resaka *Fanambadiana Sy Fisaraham-panambadiana*, indray andro. Rehefa niteny tamiko an’izany ny Fanahy Masina, dia tonga aho nilaza an’ilay izy tamin’ny fomba izay Nitenenany tamiko fotsiny.

¹⁶⁴ Nanome fanindronana tsara iray ho ahy ny ramatoa mpitoriteny iray, fivazavazana kely. Hoy izy hoe, “Ataoko fa maka ny toeran’Andriamanitra ianao?”

Hoy aho hoe, “Tsia, madama.”

¹⁶⁵ Hoy izy, “Eny, niteny tamin’izy ireo ianao fa voavela ny fahotany.” Hoy izy, “Taiza?” Hoy izy, “Andriamanitra irery ihany no manana fahefana.” Hitanareo, Fariseo hafa iray. Hitanareo? . . . ? . . .

¹⁶⁶ Hoy aho hoe, “Hitanao, mba hahafantaranao, fa, Jesosy no niteny tamin’i Petera sy ireo apostoly, rehefa avy nanana an’ilay fanambarana izy hoe Iza Izzy.”

Niteny Taminy izy hoe, “Ianao no Kristy, ilay Zanak’Andriamanitra.”

¹⁶⁷ Hoy Izzy hoe, “Sambatra ianao,” hitanareo, “ry zanak’i Jonasy; fa tsy ny nofo aman-drà mihitsy no nanambara an’Izany taminao, fa Ny Raiko izay any An-danitra no nanambara an’Izany. Eo ambonin’ity vatolampy ity no Hanorenako Ny Fiangonako; ny vavahadin’ny helo tsy haharesy Azy. Ary Omeko anao ireo fanalahidy; na inona na inona fehezinao ety an-tany, dia Hofeheziko izany any An-danitra; izay vahanao ety antany . . .”

¹⁶⁸ Izany ilay fanambarana Masina an’ny Teny tonga nofo. Raha nofo Izany tamin’io andro io tamin’ny alàlan’ny Zanaka, ilay Mpampakatra, dia nofo Izzy amin’izao andro izao amin’ny alàlan’ny Ampakarina. Hitanareo? “Na iza na iza avelanareo ny fahotany, dia avela amin’izy ireo izany; na iza na iza itehirizanareo fahotana, dia hotehirizina ho azy ireo izany.”

¹⁶⁹ Ankehitriny, naka an’izany ny fiangonana Katolika ka nitondra an’izany teo amin’ireo pretrany, saingy ara-nofo ilay izy.

¹⁷⁰ Diniho, ilay Teny ara-panahy, voambara no nanao an’izany!

¹⁷¹ Izany no antony Nitenenany tamin'izy ireo mba handeha hanao batisa amin'ny "Anarana" an'ny Ray, Zanaka, Fanahy Masina. Fantany fa nahafantatra izy ireo hoe Iza Izy.

¹⁷² Niresaka tamin'ny mpitory teny kely iray aho indray andro, nilaza tamiko izy, hoy izy hoe, "Ankehitriny, Rahalahy Branham, tonga aho ary nikambana, nandeha teo amin'ny fiangonana *izao sy izao*, fiangonana Pentekotista iray."

¹⁷³ Fa, efa nanomboka nandray an'ilay hostia boribory ny Pentekotista ankehitriny, fantatrareo. Efa nandre ny amin'izany ianareo, heveriko; ilay hostia, ilay andriamanitra-volana, fantatrareo. Ary manaiky an'izany izy rehetra ka mandray an'ilay izy. Ity lehilahy ity nilaza... Ny—ny fiangonany dia nanatona azy; hoy izy hoe, "Izay tahiako dia voatahy" Ankehitriny, tsy izany ve no lazain'ny pretra, hoe izy "dia manana fahefana hamadika an'izany ho vatan'i Kristy"? Hitanareo, enina amin'ny anankiray ary antsasaky ny roa ambin'ny folo amin'ilay hafa fotsiny, mitovy mihitsy.

¹⁷⁴ Dia hoy izy hoe, "Te-hanontany zavatra iray aminao aho." Niezaka ny hiala amin'ilay fanontaniana ny amin'ny batisa amin'ny Anaran'i Jesosy izy, satria io ilay lehilahy izay nilaza fa izany dia—izany dia ny antikristy no nanao an'ilay izy. Hoy izy hoe, "Mihevitra ve ianao fa ilaina tokoa ny tokony hanaovana batisa olona iray amin'ny Anaran'i Jesosy Kristy?"

Hoy aho hoe, "Eny, tompoko."

¹⁷⁵ Hoy izy hoe, "Aorian'ny nanaovana azy batisa tamin'ny anaran'ny 'Ray, Zanaka, ary ny Fanahy Masina ve?'"

¹⁷⁶ Hoy aho hoe, "Eny, tompoko. Izy dia tsy natao batisa, mihitsy. Hitanareeo? Izy dia tsy natao batisa, mihitsy; tsy nisy Anarana. Titra iray izany" Hoy aho hoe, "Tsy nekena izany." Hoy aho hoe, "Nahoana no—nahoana i Petera no..."

¹⁷⁷ Hoy izy hoe, "Eny, ankehitriny, mamelà ahy hiteny zavatra iray aminao." Hoy izy hoe, "Ankehitriny, ao amin'ny Asa 10:49, dia hoy izy hoe, 'Raha mbola niteny an'ireo teny ireo i Petera, dia nilatsaka tamin'izy ireo ny Fanahy Masina.'"

¹⁷⁸ "Fa," hoy aho, "nitodika avy hatrany izy ka nanao hoe, 'Misy olona afaka mandrara ny rano tsy hanaovana batisa an'ireo ve?'"

¹⁷⁹ Hoy izy hoe, "Eny, niteny ianao tany, vao tsy ela, mikasika ny Asa 19, izay nandalovan'i Paoly tany amin'ireo morontsiraka ambonin'i Efesosy, nahita an'ireo mpianatra ireo." Dia hoy izy, "Nahoana," hoy izy, "tsy natao batisa tamin'ny anaran'ny Ray, Zanaka, ary Fanahy Masina izy ireo."

¹⁸⁰ Hoy aho hoe, "Tsia, izy ireo dia natao batisa 'ho amin'ny fibebahana,' fa tsy ho amin'ny famelana ny fahotana. 'Ho amin'ny fibebahana,' satria tsy mbola nampahafantarina Jesosy. Tsy mbola novonoina ilay Fanatitra."

Hoy izy hoe, “Eny, nahoana no tsy maintsy natao batisa izy ireo tany?”

¹⁸¹ Hoy aho hoe, “Ilay lehilahy izay nanana an’ireo fanalahidy, dia nilaza an’izao hoe, ‘Fa aoka ho fantatrareo fa tsy misy Anarana hafa iray ambanin’ny Lanitra nomena teo anivon’ny olona, izay hahavoavonjy anareo.”

¹⁸² Miasa ao amin’ny Anaran’i Jesosy Kristy irery ihany ny famonjena. “Na inona na inona ataonareo amin’ny teny na asa, dia ataovy amin’ny Anaran’i Jesosy Kristy izany rehetra izany.” Tsy misy anarana hafa iray, tsy fiangonana, tsy laharamboninahitra, tsy titra, na inona na inona hafa! Kanefa, Izzy no Raozin’i Sarona, Lisin’ny Lohasaha, Kintan’ny Maraina, Alfa, Omega, Fiandohana sy ny Fiafarana, Jehovah-jire, -rafa, -manase, ireo rehetra ireo. Izzy ireo zavatra rehetra ireo, kanefa Izzy . . . Tsy misy famonjena ao amin’ny iray amin’ireo titra ireo; Jehovah, tsy misy famonjena; *Raozin’i Sarona*, kanefa izany Izzy, tsy misy famonjena; *Ray, Zanaka, na Fanahy Masina*, tsy misy famonjena. Tokana ihany dia ny Anaran’i “Jesosy Kristy!” Ary avy eo nilaza ny Baiboly, fa, “Tsy maintsy ampianarina amin’Ny Anarany ny fibebahana sy ny famelàna ny fahotana, manomboka ao Jerosalema, ka hatrany amin’ireo ampanhan’ny tany farany indrindra.”

Hoy izy hoe, “Mihevitra ve ianao fa manao fahasamihafana iray izany?”

¹⁸³ Hoy aho hoe, “Tompoko, te-hanontany zavatra iray amina o aho.” Izaho sy izy, ary ny vadiko, dia nipetraka teo amin’ilay latabatra. Nanatona fotsiny izy. Nahita ahy, nandeha . . . Hoy aho hoe, “Samy Arizoniana isika roa; mipetraka eto isika. Ary izaho, ary fantatsika ireo mpanolo-tsaina antsika, sy ny fari-piadiantsika, sy ny rehetra, sy ny ben’ny tanànantsika, governora, ny zavatra rehetra.”

Hoy izy hoe, “Eny.”

¹⁸⁴ Hoy aho hoe, “Ankehitriny, raha niteny taminao aho, rahalahy, mba, ‘Handeha eo ka hanao sonia ho an’ny sakafo harivantsika, amin’ny anaran’ny Governororan’ny Fanjakan’i Arizona,’ dia hanao sonia an’ilay izy tahaka an’izany ve ianao? Mihevitra ve ianao fa handray an’izany ny etsy amin’ny birao?”

¹⁸⁵ “Nahoana,” hoy izy, “heveriko fa tsia.” Hoy izy hoe, “Nahoana Jesosy no niteny an’izany?”

¹⁸⁶ Hoy aho hoe, “Izao ilay izy, hitanao. Nahoana? Raha niteny taminao aho mba ‘handeha hanao sonia an’ity sakafo hariva ity, amin’ny anaran’ny Governororan’ny Fanjakan’i Arizona,’ ary satria teratanin’i Arizona isika, ka mahafantatra hoe iza no Governora, nahoana, dia ho fantatrao fa izany dia ho soniavina amin’ny anaran’i ‘Sam Goddard,’ hitanao.” Hoy aho hoe, “Satria, izy no Governororan’ilay fanjakana. Tsy mila manontany anao aho. Fantatrao hoe iza no Governora. Ary, rehefa hoy Izzy hoe,

'Ray, Zanaka, ary Fanahy Masina,' dia Fantany hoe ahoana no hanaovan'izy ireo batisa. Fantatr'izy ireo hoe Iza Izzy. 'Ny Ondriko mandre Ny Feoko.' Hitanao? Hitanao?"

Hoy izy hoe, "Oh, hitako."

¹⁸⁷ Fa ankehitriny, ny zavatra manaraka dia, hino ve ianareo? Hitanareo? "Izay mandre Ny Teniko, ka mino Izay naniraka Ahy, no manana Fiainana mandrakizay." Ary rehefa mitoetra ao anatinareo io Fiainana Mandrakizay vaovao io, dia Izany ilay ampahany.

¹⁸⁸ Rehefa nandray an'io Fanahy Masina io ianareo ankehitriny, izay noraisin'izy ireo tamin'ny Pentekosta; izy ireo no mekanika, ankehitriny dia tsy maintsy tonga ireo Dynamika. Efa nino izy ireo. Fantatrareo, miteny amintsika ireo sakalantsika tsara Batista hoe, "Rehefa mino isika, dia manana Azy." Fa, tsy nanana Azy izy ireo, kanefa efa nino.

¹⁸⁹ Asa 19, efa nino izy ireo, saingy tsy nanana Azy. "Efa voarainareo ve ny Fanahy Masina fony vao nino ianareo?" Hitanareo? Nanana an'ireo Mekanika izy ireo, tena marina, satria ireo apostoly dia... Na, ny tiako ho lazaina, dia i Apolosy no efa nampianatra azy ireo ary nanaporofo tamin'ny alàlan'ny Baiboly, an'ireo Mekanika, fa Jesosy no ilay Kristy, saingy tsy mbola nanana an'ireo Dynamika izy ireo. Hitanareo? Izay ilay izy. Eny àry.

¹⁹⁰ [Elanelana tsy voaraki-peo—Mpand.]...-kanika, manana an'ilay antoka amin'ny ampahany ianareo, ilay fiandrasana.

¹⁹¹ Ankehitriny, rehefa mahazo an'ireo Dynamika ianareo, dia efa novelomina avy tao amin'ny mety maty nankany amin'ny tsy mety maty. Izany no manao an'ilay vatana manontolo ho tonga eo amin'ny fanekena ny Teny. Hanao anareo hihetsika hafa izany, hiseho ho hafa, hiaina hafa. Hanao anareo ho hafa fotsiny izany.

¹⁹² Ankehitriny jereo. [Elanelana tsy voaraki-peo—Mpand.]... efa novelomina. "Ianareo izay maty tao anatin'ny fahotana sy ny heloka fahiny, ary aizina, no Novelominy." Tamin'ny alàlan'ny inona? "Ny Fanahiny izay nanangana an'i Jesosy," tamin'ny marainan'ny Paska, "tamin'ny maty. Ary raha mitoetra ao anatin'ny vatanareo mety maty Izany," ankehitriny diniho, "Izany ihany koa no mamelona, mitondra ho amin'ny Fiainana, manao azy hanaiky ny Teny."

¹⁹³ Ankehitriny, ahoana no ahafahanareo hihambo ho manana an'io Fanahy io, nefá manala ny tenanareo lavitra ny Teny? Novelomin'ny zavatra hafa ianareo. Satria, hamelona ny vatanareo mety maty amin'ny Teny Izany. Azo antoka, hamelona Izany.

¹⁹⁴ Tsy afaka mandeha tsy manana Azy ianareo. Hitatatata fotsiny ianareo, raha tsy mino ny rehetra amin'Izany. Raha manana ampahan-dasantsy sy ampahan-drano ianareo, dia tsy

ho lasa na aiza na aiza. Hitanareo? Tsy maintsy maka an'izany zato isan-jato ianareo, lasantsy. Raha tsy izany ianareo, dia miraty, ary tsy manana hery intsony ianareo. Hitanareo? "Fa izaho—izaho dia mino an'ity, saingy tsy mino an'Itsy," pomp-pomp-pomp-pomp. Tsy ho lasa na aiza na aiza ianareo.

¹⁹⁵ Fa, oh, rehefa alainareo ilay fahafenoana! Aoka hirehitra eo ambonin'io izany, ny Teny rehetra dia Fahamarinana!

¹⁹⁶ Noho izany dia mariho ankehitriny, raha mamarana isika, mariho izao. Mariho, izany fotsiny dia tahaka ny—ny voa kely iray mipetraka ao anatin'ny tany.

¹⁹⁷ Ankehitriny, amin'ny ampahany, dia nitsangana ianareo. Nitsangana ianareo rehefa mandray ny Fanahy Masina ao anatinareo. Nitsangana tamin'izany fotoana izany mihitsy ianareo. Nitsangana tamin'ny ampahany ny vatanareo.

¹⁹⁸ Jereo ny voa kely iray. Amboleo ao anatin'ny tany izy. Tsy maintsy misotro avy amin'ny Loharanony izy, ireo rano izay miraraka midina. Ary arakaraky ny isotsroany, no iakarany mankany Aminy, lasa miha-mitovy hatrany amin'ilay voa izay nidina tao anatin'ny tany. Hitanareo?

¹⁹⁹ Tahaka an'izany no ahatongavan'ilay Fianganana, amin'ny alàlan'ny fanamarinana, fanamasinana, batisan'ny Fanahy Masina, ankehitriny dia ao amin'ny mamòny. Hitanareo? Tamin'ny alàlan'izany no nahatongavan'ny Fanahin'Andriamanitra.

²⁰⁰ Fa tonga tamin'ny alàlan'ny antikristy ny fanahin'izao tontolo izao, tahaka an'izany ihany, ary ankehitriny dia mamòny ao anatin'ny firaism-piangonana lehibe iray, hitanareo, ilay zavatra manontolo.

²⁰¹ Ary tonga tahaka an'izany ny isam-batan'olona. Ny zavatra rehetra dia miasa eo amin'ilay, eo amin'ilay fandrefesan'Andriamanitra iray ihany, satria Izy no tsy mivoa omaly, anio, ary mandrakizay. Mariho, eo amin'ny lìlanareo ianareo, mitombo mankany amin'ny fahafenoan'ny fitsangana, tarihin'ny Fanahy!

²⁰² Tahaka ny masoandro, m-a-s-o-a-n-d-r-o, misintonia an'io voly kely izay misotro avy amin'ny loharanon'Andriamanitra io, manohy fotsiny... hitanareo, avy amin'ny zavatra anankiray fotsiny ihany no azony hisotsroana. Andrarahao menaka indray mandeha eo ambonin'io voa kely io; hamono azy izany. Marina izany. Andrarahao rano miangona, rano tranainy izay tsy ho tsara, misy aretina izany, hanafohy ny fitomboana. Tsy hitondra voa izy. Marina ve izany? Fa andrarahao an'ilay tena ranonorana malemy tsara, amena, tsy misy akora simika nataon'olona ao anatin'y, avelao fotsiny izany ho tonga avy any amin'ny lanitra ambony, dia diniho io voly kely io. Tsy misy rano hampitombo azy tahaka an'io ranonorana io. Asio chlore sy ny karazany ao

anatiny, tahaka ny ezahanareo hampisotroina tafahoatra anay, fa, ny zavatra voalohany fantatrareo, hamono an'ilay voly izany.

²⁰³ Izany no olana amin'izao andro izao. Miezaka ny hanome azy ireo an'ireo rano avy amin'ilay loharanon'ny ara-anaram-piagonana izy ireo, ary izany no manafohy an'ilay fitomboana. Hitanareo? Fa avelao izy banana an'ilay . . .

Tonga eo amin'izay amirapiratan'ireo andon'ny famindrampo;

Mamiratra manodidina ahy andro aman'alina, Jesosy, ilay Fahazavan'izao tontolo izao.

Eo no ahazoanareo azy, amin'izay fotoana izay.

Handeha ao amin'ilay Hazavana isika, ilay Hazavana mahafinaritra,

Tonga eo amin'izay amirapiratan'ireo andon'ny famindrampo;

Mamiratra manodidina ahy fotsiny.

²⁰⁴ Esory amiko ireo loharano nataon'olona! Tsy mahafantatra loharano hafa aho; tsy misy afa-tsy ny Ràn'i Jesosy! Izany ihany no Loharano tiako ho fantatra. Avelao ny Teny hitoetra ato anatiko, Tompo; tondraho amin'Ny Fanahiniao Izany.

²⁰⁵ Mariho, ankehitriny, raha io Fanahy izay nanangana an'i Jesosy avy ao am-pasana io, no mitoetra ao anatinareo, dia manana Fiainana amin'ny ampahany ianareo; tarihin'ny Fanahy, mba hamelona ny Teny aminareo, mba hino an'Izany. Manohy manosika miakatra ilay zavatra kely arakaraky ny itomboany.

²⁰⁶ Mariho, tamin'ny Pentekosta, dia novelomina ho amin'ny Fiainana iray vaovao ny vatan'izy ireo. Jereo ilay andiana kanosa kely.

²⁰⁷ Mihaizona anareo ela loatra ve aho? [Hoy ny fiangonana hoe, "Tsia."—Mpand.] Jereo, manafana tena fotsiny aho, izany ilay izy, mahatsapa ho tsara aho. Oh, oadray!

²⁰⁸ Mariho, kanosa izy ireo. Mariho. Fa, nanana an'ireo Mekanika izy ireo. Hitanareo? Sainingy nipetraka teo izy rehetra, nanao hoe, "Oh, matahotra azy ireo aho. Oh, matahotra ny hivoaka sy hanao filazana iray aho, satria, oh, ireo eveka goavana rehetra sy ny sisa any ireo. Oh, matahotra ny handeha aho. Ireo pretra sy ny sisa any ireo, matahotra ny hanao an'io filazana io aho, matahotra ny hilaza fa mino Azy aho. Oh, tsy afaka manao an'izany fotsiny aho, hitanareo."

²⁰⁹ Fa, tampotampoka teo, tonga ireo Dynamika. Eny. Ary inona no Nataony? Tsy nameno ny fanahin'izy ireo fotsiny Izany, tao anatiny, fa namelona ny mekanikan'izy ireo Izy. Novelomina ny vatan'izy ireo. Tsy kanosa intsony izy ireo. Nandeha avy hatrany teo anatrehan'ny olona izy ireo. Eny, tompoko. "Ianareo lehilahy avy ao Jodia, sy ianareo izay monina eto Jerosalema!" Nefa, talohan'ny nahatongavan'ireo Dynamika, dia mekanika

fotsiny izy ireo. Hitanareo? “Ianareo lehilahy izay monina eto Jerosalema, aoka ho fantatrareo izao, ary henoy ny teniko! Tsy mamo izy ireo, araka ny neverinareo.”

²¹⁰ Isan’izy ireo aho. *Ity dia Itsy!* Hasehoko aminareo hoe inona izany. Izany no Soratra. *Ity dia Itsy!* Ary nilaza foana aho hoe, “Raha tsy *ity* no *Its*y, dia avelao aho hihazona an’*ity* mandra-pahatongan’*Its*y.”

²¹¹ “Tsia, ity no *Its*y izay nampitenenina an’i Joela mpaminany hoe, ‘ary izao no hiseho amin’ny andro farany, hoy Andriamanitra, handatsaka Ny Fanahiko amin’ny nofo rehetra Aho.’” Hitanareo, niditra tao amin’ireo mekanika ireo Dynamika. Tsy natahotra intsony izy ireo.

²¹² Ny sasany aminareo olona izay matahotra fa hihomehezan’ny vehivavy iray ianareo amin’ny fananana volo lava, na nitsahatra tsy nanao lokon-tarehy, ny sasany aminareo lehilahy izay matahotra fa handroaka anareo ny rafi-pandaminanareo rehefa manao batisa ny fiangonanareo amin’ny batisa ara-tSoratra ianareo; mila manidy ny tenanareo ao amin’ilay efitra ambony ianareo mandra-pahatongan’ireo Dynamika. Marina izany.

²¹³ Izany no nanova azy ireo. Izany no namelona azy ireo. Izany no nanao azy ireo ho hafa. Olona niova izy ireo, nanomboka tamin’io. Izany no namelona azy ireo, avy tamin’ny fiaianana fahiny izay kanosa iray, mba hitovy amin’ny Lionan’ny fokon’i Joda. Niatrika tanteraka ny fanaovana maritiora izy ireo, nofantsihana teo amin’ny hazo fijaliana, nohomboana nitsongoloka, nodorana, natsipy tao an-davaky ny liona. Tsy kanosa intsony, mikasika an’ireo. Ny fahafatesana dia tsy nanana fandresena teo amin’izy ireo, mihitsy. Tao anatin’ireo mekanika ireo Dynamika. Eny, tompoko. Izany no namelona ny vatan’izy ireo mety maty.

²¹⁴ Henoy ankehitriny. Inty ny zavatra hafa iray, ho porofo. Izy dia tena namelona azy ireo loatra tahaka an’izany hany ka (mba fantatrareo moa?) nakarina tao amin’ny toeran-Danitra izy ireo, ary tena novelomina loatra ny vatan’izy ireo mety maty hany ka niova ny fitenin’izy ireo. Izany fotsiny ihany . . . Izany no namelona ny fitenin’izy ireo. Izany no nolazain’ny Baiboly. Ary, rehefa novelomina ny vatan’izy ireo mety maty, dia novelomina ny fitenin’izy ireo. Novelomina ny fisainan’izy ireo. Novelomina ny fanahin’izy ireo. Novelomina ny ain’izy ireo. Novelomina izy ireo, tanteraka! Nanandrana niteny izy ireo, nefà tsy afaka niteny tamin’ny fitenin’olombelona intsony. Tena novelomina loatra niakatra teo amin’ny Fanatrehan’Andriamanitra izy ireo hany ka niteny tamin’ny fiteny vaovao, fitenin’ny Lanitra. Fioo! Hery mamelona iray toy ny inona!

²¹⁵ “Raha ny Fanahy izay nanangana an’i Jesosy tamin’ny maty no mitoetra ao anatinareo,” oh, haleloia, “Izany no hamelona

ny vatanareo mety maty.” Izany no hanao anareo hanao an’ireo zavatra izay tsy nataonareo tany aloha. Feno ny Hery mamelona izy ireo tamin’izany. Hitanareo?

²¹⁶ Tsy manaiky ny fahotana intsony ny vatanareo; ianareo, ny fanirianareo.

Hoy izy hoe, “Avia eto!”

Hoy ianareo hoe, “Akombony ny vavanao.”

“Oh, izahay no manana ny goavana indrindra . . .”

“Akombony ny vavanao.” Oadray, voromahery iray ianareo!

²¹⁷ Efa mba hitanareo ve hoe mahaleotena toy ny ahoana no andehanan’ny voromahery antitra iray? Tsy mitsambikimbikina tahaka ny voltora iray izy, hitanareo, eo amin’ny maty rehetra, sy ireo fatim-biby rehetra mipetraka eo amin’ny tany. Tsia, tompoko. Mandeha am-pireharehana izy.

“Akombony ny vavanao.”

“Oh, ity ny sakafio hariva tsara iray eto.”

²¹⁸ “Tsy ho ahy. Hitanao, efa niova ireo faniriako. Hafa ny fahazotoan-komako. ‘Fa tsy ny fatim-bibin’izao tontolo izao ihany no hiveloman’ny olona, fa ny Teny rehetra izay aloaky ny vavan’Andriamanitra.’” Mivelona amin’Izany ny voromahery tena izy novelomina. Amena!

²¹⁹ Oh, ary nanangana an’i Kristy avy tao am-pasana Izy, mitoetra ao anatinareo, namelona ny vatanareo mety maty ho ao amin’Ny Fanatrehany. Manaiky an’Izany ianareo. Tsy mpitsindroka iray intsony ianareo. Voromahery iray ianareo. Tsy mila an’ireo zavatr’izao tontolo izao ianareo. Zanakalahy sy zanakavavin’Andriamanitra ianareo. Misakafo eo amin’ny Loharano iray ianareo izay tsy misy na inona na inona fantatr’izao tontolo izao ny mikasika azy. Misotro an’Izany ianareo. Misy olona iray mahafantatra . . . Tsy mahafantatra na inona na inona mikasika an’izany izao tontolo izao. Mihinana Mana mifaina ianareo izay tsy misy na inona na inona mihitsy akory aza fantatr’izao tontolo izao mikasika Azy, satria voromahery iray ianareo. Novelomina ianareo hiakatra any amin’izay ahafahanareo hahatratra an’Izany. Tsy mety hahazo an’Izany eto ambany eto ianareo, tsy maintsy miakatra eto ianareo. Tsy maintsy novelomina ianareo, nakarina eo, mba Hamelomany.

²²⁰ Inona no nataon’izy ireo? Niteny tamin’ny fiteny iray hafa izy ireo. Ny Baiboly no nilaza fa niteny izy ireo. “Niteny tamin’ny fiteny rehetra eto ambanin’ny Lanitra izy ireo.”

²²¹ Azonareo eritreretina ve izany, ireo vatana antitra mety maty izay tao anatin’ tao ireo, nanao hoe, “Eny, tsy fantatro ankehitriny na afaka hino an’izany aho na tsia”?

²²² Tampoka teo, dia tena novelomina izy ireo hany ka nilatsaka tao anatin' ilay fahasahiana an'ny Lionan'ny fokon'i Joda, teo ambonin'io Amboara mihofahofa io. Oh, tonga mba hiantso ny Azy Manokana io Voromahery io! “Ary tsy tian’izy ireo mandrapahafatiny ny ain’izy ireo.” Amená.

Fa mbola hisy maro no hanome ny ràn’ny ainy
Ho an’ity Filazantsaran’ny Fanahy Masina ity sy
ny Fikorinany mena.

²²³ Ary ny Zanaka dia tsy maintsy ho—ho voambara indray, ao amin’ny Ampakarina amin’ny andro farany; tsy maintsy tonga ilay Hery mameleona, hamelona an’izay avy ao amin’ireo anarampiangonana maty sy fanekem-pinoana ireo, ho amin’ny Teny velona iray an’Andriamanitra velona. Oh!

²²⁴ Tsia, Izany no namelona azy ireo ho amin’ny Fiainana vaovao. Izany dia manao an’ilay zavatra iray ihany ho antsika ankehitriny. Mariho, tamin’izany fotoana izany, dia tena novelomina loatra tao anatin’io Hery mameleona io izy ireo! Ankehitriny aho...

Henoy tsara ankehitriny. Miezaka maneho aminareo aho.

²²⁵ Tsy tao anatin’ny fanahin’izy ireo fotsiny ihany ilay Hery mameleona, fa nanerana an’izy ireo Izany. Izany... Tsy ireo Dynamika fotsiny ihany no niditra, mba hamelona, fa namelona an’ireo mekanika Izany. Hitanareo ve izay tiako lazaina? Tena novelomina loatra izy ireo hany ka nanomboka niteny tamin’ny fiteny hafa iray ny lelan’izy ireo. Tena novelomin’ilay Herin’ny fitsanganan’i Kristy loatra izy ireo, hany izy ireo ka nametraka ny tànany... Tena novelomina loatra tamin’ny Hery mameleona izy ireo, hany ka, rehefa nametraka ny tànany teo amin’ny marary izy ireo, dia salama izy ireny. “Izany no namelona ny vatanareo mety maty.” Sitrana izy ireny, tamin’ny alàlan’ny fametrahana ny tànan’izy ireo.

²²⁶ Ary namelona ny fiombonan’izy ireo niaraka tamin’Andriamanitra ny Fanahy, hany ka tena novelomina loatra tao amin’ny Fanatrehan’Andriamanitra koa izy ireo hany ka, rehefa maty ny olona iray ary lasa ny fanahin’izy ireo, dia Izany no niantso azy hiverina amin’ny fiainana indray. Amená! Voninahitra! Mahatsapa ho mpivavaka aho ankehitriny.

²²⁷ Marina izany, novelomina! Tsy ho an’ny Tenany fotsiny ihany ny Fitsangananay, fa ho an’izay rehetra maniry, ho amin’io Voa voafidy mialoha izay mandry ao io. Mamelona, mameleona an’ilay vatana mety maty!

²²⁸ Nametraka ny tànany teo amin’ny marary izy ireo; sitrana izy ireny. Nivavaka izy ireo; nahita fahitana tao amin’ny Fanahy, niantso an’ilay maty hiverina amin’ny fiainana. Marina izany. “Namelona ny vatany mety maty.”

²²⁹ Raha miditra ao anatinareo Izany; raha izany ilay izy... Ankehitriny, afaka miteny ianareo hoe izany ilay izy; fa raha izany ilay izy, dia ireo famantarana no manaraka azy, hitanareo. “Izy no mamelona ny vatanareo mety maty.” Izy no hamelona anareo.

²³⁰ Ankehitriny, mariho, mamelona ao amin’ny Fanatrehan’Andriamanitra. Nahoana? Izany no Fanahin’Andriamanitra izay nanangana an’i Jesosy avy tao am-pasana. Ary, ny Fanahin’Andriamanitra, “Izaho no manome azy ireo Fiainana Mandrakizay,” dia avy tamin’ny teny Grika, raha hikaroka an’izany ianareo hoe, Zoe, izay manetsika an’Izany amin’ny alàlanareo ary avy eo dia mamelona (ny) na dia ny sain’izy ireo aza.

²³¹ Jereo ankehitriny. Ahoana no ahafahanareo milaza fa mitoetra ao anatinareo io Fanahy io? Na efa nanao ny zavatra rehetra izay noeritreretinareo fa marina aza ianareo, dia inty ny porofonareo na manana Azy ianareo na tsia. Raha ny Fanahy izay tao amin’i Kristy no ao anatinareo, dia Izany koa no mamelona anareo ho amin’ny Teny, satria Izy no Teny. Fa raha izany, ny mifanohitra, no mamelona anareo hanalavitra ny Teny, amin’izay fotoana izay dia tsy ny Fanahin’i Kristy izany!... ahoako izay nataonareo, mandra-panetsik’Izany anareo ao amin’ny Teny. “Ny Ondriko mandre Ny Feoko, ary hivelona amin’ny Teny rehetra izy ireo,” ny Teny rehetra! Niresaka teo amin’izany aho indray andro.

²³² Ny reniko manokana, lasa izy ankehitriny, ary tena vehivavy mahatsikaiky iray izy. Ary izy dia, fantatrareo, saiky Indiana tapany, ary mahatsikaiky izy. Fa tao anatin’izany dia olona iray izay tsy nanonofy izy. Nefa tsy mihevitra aho... Nanana nofy efatra na dimy fotsiny izy, tamin’ny fiainany rehetra. Saingy isaky ny nanonofy nofy iray izy, dia marina ilay izy. Nanana nofy iray izy, marina ilay izy.

²³³ Tsaroako indray mandeha rehefa nanomboka nitory teny voalohany aho, taona maro lasa izay. Nipetraka teto mihitsy izahay teo amin’ny lèlana, eto ambony eto mihitsy. Nitory teto amin’ity fiangonana teto ity mihitsy aho. Ary nanonofy nofy iray izy, hoe nitsangana teto aho teo akaikin’ny zana-tohatra telo. Dia nitsangana aho, nitory tamin’ny olona rehetra, hoe tsy maintsy miakatra amin’ireo zana-tohatra telo ireo izy ireo alohan’ny ahatongavany eo amin’ny lèlana malalaka. Ary nisy tsipika kely iray fotsy mitovy amin’ny perla teo amin’ilay lèlana malalaka, nandeha avy hatrany nankao amin’ireo—ireo—ireo varavarany’ Lanitra, hatrany amin’ilay vavahady perla. Ary nitarina hatrany amin’ny tampon’ireo zana-tohatra ireo io perla io. Raha tsy izany marina tokoa ny Hafatiro amin’izao andro izao; fanamarinana, fanamasinana, ny batisan’ny Fanahy Masina! Dia nilaza aho fa tsy maintsy mandalo eo amin’ireo zana-tohatra

telo ireo ny olona iray, mba ho afaka handeha eo amin'io lâlana malalaka io. Ary nilaza fa . . .

²³⁴ Nisy ramatoa iray tonga teo. Ankehitriny, fantatrareo hoe karazana inona no karazana kiraro izay nanaovan'ny olona tamin'ny dimy amby telopolo taona lasa. Nisy ramatoa iray tonga teo, nanao kiraro goavana be mitovy amin'izay anaovan'izy ireo amin'izao andro izao, kiraro tahaka ny fanjaitra ny vuditongony. Ary nandalo izy. Dia hoy aho hoe, "Andraso iray minitra, ranabavy. Tsy afaka handeha eo amin'ilay lâlana malalaka miaraka amin'io ianao." Ary hoy aho hoe, "Ianao—ianaо, tsy afaka hanao an'izany."

²³⁵ Dia hoy izy hoe, "Ah!" Nilaza izy, nitodika nankany amin'ny sisa amin'ireo vehivavy, nanao hoe, "Aza mino azy. Olona adala izy. Hitanareo? Aza mino azy. Hasehoko anareo fa afaka hamarinina aho, hamasinina, ary feno ny Fanahy Masina, kanefa mbola mandeha tahaka an'izao." Koa izy . . . Navelako nandeha fotsiny izy. Tsy afaka nanao mihoatra mikasika an'izany intsony aho, tsy afaka nanakana azy. Ary nitsambikina teo amin'ilay lâlana malalaka izy. Dia nitodika nijery an'ilay anabavy izy, nanao hoe, "Hitanaо, efa nilaza taminao aho!" Nanomboka nihazakazaka izy, ary izy . . .

²³⁶ Fantatrareo, araka ny nolazain'ny Baiboly, ao amin'ny Isaia, ny toko faha-5, fa izy ireo dia hanana "hatoka mianjonanjona." Tsy maintsy izany izy ireo; lavo mankany aoriana izy ireo, hitanareo. "Mijaikojaiko raha . . ." Izy ireo dia tsy maintsy, tsy maintsy miolanolana, "Mijaikojaiko izy ireo raha mandeha, mampikorintsandrintsana ny vuditongony; hitanareo, ireo zanakavavin'i Ziona amin'ny andro farany."

²³⁷ Ary nanomboka niakatra teo amin'ilay lâlana malalaka izy, nihazakazaka haingana mihitsy arak'izay vitany. Ary, afaka kelikely, dia niha-tery sy niha-tery ilay lâlana. Nanomboka nivembena izy, nijaikojaiko tahaka an'izao, ary niala.

²³⁸ Dia hoy i neny hoe, "Ny antsoantso nahatsiravina indrindra izay hany reko teo amin'ny fiainako, dia io vehivavy io izay nianjera tao anatin'ireo afo sy setroka, nandeha nidina, nidina tahaka an'izany." Nilaza izy fa, izaho "dia nitodika ka nanao hoe, 'Hitanareo'?"

²³⁹ Nankatò ny zavatra rehetra mihitsy izy afa-tsy Teny anankiray, hitanareo, ny zavatra rehetra afa-tsy Teny anankiray. Azo antoka, ireo vehivavy Pentekotista dia afaka ny ho voavonjy, nohamasinina, ary feno ny Fanahy Masina, fa diso avy eo. Tanteraka tokoa. "Tsy ny mofo ihany no hiveloman'ny olona, fa ny Teny rehetra izay mivoaka." Hitanareo? Hitanareo? Ary diso an'Izany izy. Koa araka ny nolazaiko, hitanareo, izy dia tokony ho tafiditra, tsara mihitsy, saingy, hitanareo, diso tamin'ny fihainoana izy; niteny taminy hoe inona no tao aloha. Ary Izy no nanoratra ny Filazantsara tamin'ny alàlan'ireo mpianatra, ireo

apostoly, sy ny Foto-pampianaran'ny apostoly sy ny mpaminany, sy ny sisa, fa tsy hihaino izy ireo.

²⁴⁰ Ankehitriny mariho io Hery mamelona io, Zoe, no mitondra ny Teny, ny saina izay tao amin'i Kristy no tao aminareo tamin'izay fotoana izay. Miezaka maneho aminareo aho, fa, ianareo, rehefa nitsangana ianareo. Rehefa nanangana an'i Jesosy tamin'ny maty Andriamanitra, dia Izzy no nanangana anareo, ihany koa. Ary mamelona ho amin'ny Fiainana ihany koa, miaraka Aminy, novelomina ho amin'ny Fiainana ianareo ankehitriny, na dia tsy nisy afa-tsy toetra iray tao amin'ny Fisainany aza ianareo tamin'izany fotoana izany, fa hitan'Andriamanitra tao Aminy ny rehetra, tany amin'ny farany, hitanareo. Rehefa njery niondrika teo amin'ilay vatana Andriamanitra . . .

²⁴¹ Nandao Azy ilay Fanahy, tao amin'ny Sahan'i Getsemane. Tsy maintsy maty Izzy, olona iray. Tsarovy, ry sakaza, tsy voatery nanao an'izany Izzy. Izany dia Andriamanitra. Andriamanitra no nanosotra an'io nofo io, izay nofon'olombelona. Ary Izzy tsy . . . Raha nandeha tao Izzy, amin'ny maha-Andriamanitra, dia tsy ho faty tamin'io karazana fahafatesana io mihitsy Izzy; tsy misy afaka mamono an'Andriamanitra. Fa tsy voatery nanao an'izany Izzy.

²⁴² Fa, tsarovy, nandeha tao Izzy niaraka taminareo tao Aminy. Hitanareo, tsy nanasaraka ny Ampakarina tamin'ny Mpampakatra mihitsy Andriamanitra, tsy mbola. Noho izany rehefa njery niondrika teo amin'ny vatan'i Kristy Andriamanitra, dia nahita lahy sy vavy Izzy. Navotana tao amin'io vatana anankiray io ny rehetra. Hitanareo? Iray izy ireo, iray ihany, Teny iray ihany. Ilay Teny iray ihany, izay niteny ny amin'ny Mpampakatra, no miteny ny amin'ny Ampakarina.

²⁴³ Eny, ahoana no ahafahan'ny Ampakarina ho tonga, nefo diso amin'ny fanehoana ny zavatra rehetra izay nampanantenaina ny Aminy; sy ny Mpampakatra ho tonga, nefo tsy ho ilay Ampakarina Izzy? Fa rehefa nanao ny zavatra rehetra Izzy, hatrany amin'ny fanaporofoina an'izany tamin'ny alàlan'ny fananganana ny Tenany tamin'ny maty mihitsy aza, avy eo, amin'izay fotoana izay ve dia tsy—tsy tokony hanao an'ilay zavatra iray ihany ny Ampakarina, tokony ho tena izay nolazain'ny Teny fa tokony haha-izy Azy marina tokoa amin'izao andro farany izao? Tsy tokony hiverina amin'ny alàlan'ny Malakia 4 ve Izzy? Tsy tokony ho voaseho tahaka ny tamin'ny andron'i Sodoma ve Izzy? Tsy tokony hitovy amin'ny maha-izy azy marina tokoa ve izao tontolo izao? Tsy ireo zavatra ireo ve no fanondroana tanteraka ny Tenin'Andriamanitra nampahafantarina antsika?

²⁴⁴ Eny, ry sakaza, fantattro fa mihazona anareo ela be aho, dimy ambin'ny folo minitra sisa alohan'ny sakafy, fa angamba hamarana aho manomboka izao. Fa mariho, jereo eto, zavatra

iray tanteraka toy ny ahoana ilay izy. Tsy fantattro hoe rahoviana aho no hahita anareo indray. Hitanareo?

²⁴⁵ Jereo, mariho ity. Fa efa nahita mialoha ny Ampakarina tao amin'ny Mpampakatra Andriamanitra. Haleloia! Hitanareo, mba hamonjena Ny Vadiny, tahaka an'i Adama, dia tsy maintsy nandeha niaraka Taminy Izzy. Fantatr'i Adama izay nataony; Eva tsy nahafantatra izay nataony, fa nandeha nivoaka niaraka tamin'ny vadiny i Adama. Hitanareo? Ary naka ny toeran'Ny Vadiny Jesosy ka lasa fahotana ho Azy. Tsarovy, lasa ianareo Izzy, niharitra ny famaizana anareo Izzy, mba ahafahanareo hijoro eo amin'ny Toerany. Nijoro teo amin'ny toeranareo Izzy, mba ahafahanareo hijoro eo amin'ny Toerany. Fitiavana iray toy ny inona! Fiombonana iray toy ny inona! Ahoana no ahafahantsika hanao zavatra afa-tsy ny mitia Azy, ry sakaiza? Afaka hijanona eo amin'izany mandrity ny ora maro aho, saingy ndao isika handroso lavidavitra kely.

²⁴⁶ Tahaka ny fahatsapana pentekotista amin'izao andro izao, sy ny fahatongavan'ny Fanahy Masina amin'izao andro farany izao, araka ny nampanantenaina, dia mitovy amin'ny titram-pananana tsy azo lavina iray. Hitanareo?

²⁴⁷ Ankehitriny, afaka manana titra iray ianareo. Azo antoka. Hitanareo? Afaka manana titra kely iray ianareo ho an'ny toerana iray, saingy mbola tsy milaza foana izany fa anareo ilay izy. Tsia, tompoko. Mety ho avy ny olona iray tany aoriana elabe tany ka hitaky an'izany. Fa rehefa manana tsy azo lavina iray ianareo, dia izany no maneho fa voafafa ny zavatra rehetra izay hany manohitra azy, hatrany amin'ny fiandohana tany aoriana tany mihitsy. Marina ve izany?

²⁴⁸ Ary rehefa nilaza ny olona iray fa mino ny Teny izy, ary avy eo rehefa tonga ny Fanahy Masina, dia Izany no tsy azo lavina ho an'ilay titra. Ary izany no manome anareo ny alàlana, rehefa manana an'io tsy azo lavina io ianareo, hoe ny kely indrindra amin'izany dia anareo, ary ny zavatra rehetra izay eo ambonimy dia anareo. Amena! Ary izany no manome antsika an'ilay tsy azo lavina, rehefa tonga eo amin'io titram-pananana izay efa hitan'Andriamanitra tany aoriana tany talohan'ny fanorenana an'izao tontolo izao io ny Fanahy Masina, ary nametraka anarana teo amin'ny Bokin'ny Fianana; fa teraka tamin'ny alàlan'ny lehilahy iray sy vehivavy iray isika, sy ambanin'ny ota, ary meloka amin'ny ota. Fa rehefa nino an'Izany aho, dia nandray an'ilay fananana; saingy rehefa tonga ny Fanahy Masina, dia Izany ilay tsy azo lavina ka ny zavatra rehetra manohitra ahy, na ny reniko no nanao azy, na ny raiko no nanao azy, na ny renibeko no nanao azy . . .

²⁴⁹ Tahaka an'ilay ankizy kely, voan'ny androbe izay nivavahako, minitra vitsy lasa izay, izany dia avy tamin'ireo

raiamandreny be. Nifindra ilay androbe, ary tonga teo amin'ilay ankizy, hoy aho.

²⁵⁰ Fa rehefa tonga ilay tsy azo lavina, dia namafa Izany, nanadino ny zavatra rehetra. Tompon'ny tsy azo lavina iray aho amin'izay fotoana izay. Amena! Ary azo antoka tahaka an'ilay Fanahy izay nanangana an'i Kristy tamin'ny maty, dia manana fananana tsy azo lavina iray aho hoe ampanhan'io Vatana io, miaraka amin'ilay tsy azo lavina an'ny Fanahy Masina manao an'io vatan'ny Teny io hanatanteraka marina tokoa tahaka ny Nataony tao Aminy, araka ny Nampanantenainy amin'ny andro farany. Ilay tsy azo lavina! Voafafa ny fahotako rehetra, voafafa ny fahotanareo rehetra, tamin'ny alàlan'ny Ràn'i Jesosy Kristy, ary tonga ny Fanahy Masina ho tsy azo lavina iray ho an'ilay titram-pananana izay nomen'Andriamanitra ahy nohon'ny fahasoavana, tamin'ny alàlan'ny fahalalana mialoha. Oh, oadray!

²⁵¹ Inona no atahoranareo? Tsy mahagaga raha hoy Izy hoe, “Aza matahotra; Izaho no Ilay efa maty nefá velona indray; ary velona mandrakizay mandrakizay Aho; sady manana ny fanalahidin’ny fahafatesana sy ny helo.” Aza manahy na inona na inona. Na ny fahafatesana aza dia tsy handratra anareo. Mariho. Mahafinaritra!

Ndaô isika handeha haingana mihitsy ankehitriny.

²⁵² Ilay titra tsy azo lavina! Nilamina ny trosa. Efa voafafa ny zavatra rehetra manohitra an'izany. Ha-ha-ha! Voninahitra! Mety manao adaladala aho, saingy mahatsapa ho tsara. Mariho. Hitanareo? Oh, fananana iray tsy azo lavina, fantatrareo ve hoe inona no dikan'izany? Fantatrareo ve hoe inona no dikan'izany, rahalahy? Tsy misy na inona na inona afaka hanaisotra an'izany aminareo. Amena. Tompony iray aho. Amena. Inona ny . . .

²⁵³ Fananana inona? Misintona avy ao amin'ny tombony ahy aho ankehitriny, ny amin'ny Fahafatesany, fandevenany, ary fitsanganany. Lasa izaho Izy, mba hahatonga ahy ho Izy. Ankehitriny, lasa mpanota iray Izy, mba hahatonga ahy ho zanaka iray, amena, sy mihazona an'ilay fananana tsy azo lavina. “Fa izao famantarana izao no hanaraka an'ireo izay mino,” hitanareo, ilay fananana tsy azo lavina!

Haingana ankehitriny, alohan'ny . . . Mbola manana eo amin'ny folo minitry amboniny isika.

²⁵⁴ Ndaô isika hanamarina ankehitriny, haingana, an'ilay fameloman'ny Fanahy. Haneho aminareo famantarana sasantsasany aho mba hahazoanareo. Jereo, ankehitriny diniho hoe inona, io “Hery mamelon” io no lohaheviro. Rehefa avy nitsangana ilay Zanaka, dia jereo hoe ahoana no Nataony teo amin’izy ireo tamin’ny Pentekosta, inona no Nataony tamin’izy ireo, inona no nataon’io Hery mamelon io tamin’izy ireo. Namelona azy ireo Izany.

²⁵⁵ Ndao isika ankehitriny hanamarika an'izay Nataony teo amin'i Stefana. Feno Hery mamelona i Stefana. Tsy marina ve izany? Hitanareo, feno Hery mamelona izy. Izany no nanao azy tsy hatahotra. Hoy izy hoe, "Ianareo mafy hatoka sy tsy voafora fo sy sofina, manohitra foana ny Fanahy Masina ianareo; tahaka ny nataon'ireo razanareo, no ataoareo koa. Iza tamin'ireo mpaminany izay naneho ny fihavian'ilay Anankiray Marina, no tsy notorahan'ny razanareo vato?" Oh, oadray! Nanao zavatra iray taminy. Azo antoka, feno Hery mamelona izy.

Dia hoy izy ireo hoe, "Ho vitaintsika io zalahy io!"

²⁵⁶ Ary rehefa maty izy, notorahan'izy ireo vato; ary ny loha keliny mahanttra, ireo vato no namely azy tahaka an'izany. Niandrandra izy ka nanao hoe, "Mahita ny Lanitra misokatra aho." Niasa ilay Hery mamelona. "Mahita ny Lanitra misokatra aho, sy Jesosy mitsangana eo an-tànanana ankavanana'Andriamanitra." Izany no nataon'ny Hery mamelona ho an'i Stefana.

²⁵⁷ Mariho ny lehilahy hafa iray, izay nanana an'io Hery mamelona io, ny anarany dia Filipo. Tena feno Hery mamelona loatra izy. Nanana favoriana goavana iray izy tany Samaria. Voaroaka ireo devoly. Vita batisa tamin'ny Anaran'i Jesosy Kristy ny olona. Nanana tena favoriana iray izy ireo. Ary niteny taminy ny Fanahy, oh, ireo—ireo Dynamika dia nidina, ary hoy Izany hoe, "Avelao ity fifohazana ity." Fa inona no ho lazain'ireo mpitoriteny? Tsy manao fahasamihafana amin'izay lazain'izy ireo izany. Hitanareo? Feno Hery mamelona izy. Nanana ny lasantsy izy, ary ireo—ireo Dynamika dia nilatsaka teo aminy. Hoy Izy, "Mandehana mankany an-tany efitra."

²⁵⁸ Ary nahita ionoka iray izy tany, dia nanao batisa azy tamin'ny Anaran'i Jesosy Kristy; lehilahy anankiray, izay nandray ny Hafatra tany Etiopia. Marina ve izany? Ary nankato an'Andriamanitra izy.

²⁵⁹ Ao amin'ny fankatoavana an'Andriamanitra, raha mbola tsy natao batisa tamin'ny Anaran'i Jesosy Kristy mihitsy ianareo, dia ataovy izany, ary diniho ilay Hery mamelona mandray anareo amin'izay fotoana izay. Hitanareo?

²⁶⁰ Rehefa nanao an'io zavatra lehibe io i Stefana...na, tsy i Stefana. Fa i Filipo no nanao an'io zavatra lehibe io, namela an'io fifohazana lehibe io ka nankatò ny didin'Andriamanitra, rehefa nananteraka izy, tamin'ny famenoana...Tamin'ny fanaovana batisa an'io ionoka io, tao amin'ny fankatoavana an'Andriamanitra, dia tena feno an'ilay Hery mamelona loatra izy hany ka nanaisotra azy Izany. "Izany no hamelona ny vatanareo mety maty, raha io Fanahy izay nanangana an'i Jesosy tamin'ny maty io." Namelona an'i Filipo Izany hany ka tsy hita izy raha tsy tany amin'ny dimampolo amby zato maily angamba, tany an-kafa tany ho any, tany amin'ny toerana hafa iray.

Izany no namelona ny vatany mety maty. Ahoana no nanaovany an'izany? Tena feno an'ilay Hery mamelona loatra izy.

²⁶¹ Oh, ry Fianganan'Andriamanitra velona, tsy afaka mitsangana eto isika eo amin'ireo fitsentsefan-tsiramamy kely izay inonoantsika eto amin'izao andro izao. Tsy maintsy feno isika ary miakatra am-bavaka, miaraka amin'ny Hery mamelona, mandra-pahatongan'ny fameloman'ny Fanahy Masina! Tsy maintsy hakarina isika, indray andro any, ao amin'ny Fampakarana any. Eny, tompoko. Amena! Oh, oadray!

²⁶² Miala tsiny amin'ilay fitenenana. Nieritreritra ny amin'ny reny iray aho izay manamboatra an'ireny kitapo kely ireny, izay nataontsika taloha, ho an'ny zazakely. Mahatsiaro an'izany ny sasany aminareo mama antitra ireo. Manomboka mivazavaza ilay zaza kely fahiny; maka faikan-kafe sy siramamy vitsivitsy ianareo, fonosinareo ao anatin'ny kitapo iray ary mamela azy hitsentsitra eo amin'izany, mba hampitony azy fotsiny. Tsy misy hery ao anatin'izany. Hamono azy izany. Hitanareo? Ilay kafeina ao anatiny ao, sy ny sisa, ilay hamamiana kely hanao azy hitelina an'izany, mandefa kafeina ao anatiny izany.

²⁶³ Leo ny karazan-javatra tahaka an'izany isika. Miverena! Voromahery ianareo; miverena amin'ny Tenin'Andriamanitra! Aoka hatanjaka be; tsy hisy na inona na inona afaka handratra ny fihetseham-ponareo, noho izany dia afaka amin'io mahamenatr'olona rehetra io ianareo. Na inona na inona lazain'ny olona iray manohitra anareo, dia mitondra fitiavana hatrany foana izany. Amena. Ary, ny Hery mamelona, no mampakatra any amin'ireo An-danitra, voromahery iray izay nanao ny fanidinany any ambonin'ireo akoho, any ambony any amin'ireo toeran-Danitra ao amin'i Kristy Jesosy! Oh!

Teo amin'i Filipo Izany. Izany no namelona azy, nampakatra azy.

²⁶⁴ Ndao isika haka lehilahy hafa iray. Nisy lehilahy iray tamin'ny anarana hoe Enoka. Ankehitriny, nandeha niaraka tamin'ny Tenin'Andriamanitra rehetra izy, nandrity ny dimanjato taona teo. Nanana fanambarana iray izy, hoe, "Tsy diso tamin'Ny Teniny aho na dia indray mandeha aza." Tena feno ny Hery mamelona mihitsy izy rehefa nahazo azy ireo Dynamika, teo amin'ireo Mekanika ireo, tsy nila ny ho faty akory aza izy; nentina niakatra tany an-Trano fotsiny izy. Nanomboka nandeha fotsiny. Izy dia tena... Tahaka an'i Filipo, tena feno Hery mamelona loatra izy, raha tokony nandeha tany Gaza sy nandeha tany amin'ny toerana hafa iray, izay, nahitan'izy ireo azy tany amin'ireo morontsiraka ambony. Raha tokony ho tahaka an'izany, dia nandeha fotsiny izy, oh, nanao hoe, "Lehilahy antitra iray aho, na ahoana na ahoana. Tena manana Hery mamelona betsaka fotsiny aho, hamindra hiala amin'ny tany fotsiny aho."

²⁶⁵ Izany ilay Hery mameleona iray ihany izay ananantsika izao ankehitriny izao. Hitanareo, Izany no hamelona ny vatanareo mety maty. Tsy marina ve izany? Izany ireo Hery mameleona.

²⁶⁶ Enoka, niaraka tamin'io fanambarana tanteraka io, hoe, "Ny zavatra rehetra izay notenenin'Andriamanitra tamiko mba hatao, dia nataoko izany. Ny zavatra rehetra izay hitako fa Nolazainy tamiko mba hatao, dia nataoko izany." Ary lasa tena feno ny—ny Dynamika loatra izy, na—na Mekanika, hany ka, rehefa nandona azy ilay Hery mameleona, ireo Mekanika, dia Izany fotsiny no nampakatra azy avy hatrany. Nandeha niala tamin'ny tany izy, nankany An-danitra.

²⁶⁷ Ankehitriny, mariho ankehitriny, teo amin'i Elia. Rehefa... Jereo, Elia, io mpaminany lehibe io, lehilahy tamin'ny androny. Miala tsiny aho. Rahalahy, ranabavy, tamin'izany andro izany dia namely mafy an'ireo vehivavy niloko tarehy izy, ireo Jezebel sy Ahaba. Ary nipetraka tsara... Ary tsy nisy olona, toy ny hoe, nitsangana niaraka taminy. Ary nananatra izy, sy nandramatra, ka nitsangana teo, dia nikarakara azy Andriamanitra ary nanampy azy tany amin'ny toerana rehetra. Fantatrareo, reraka ilay lehilahy antitra indray andro. Hoy izy hoe, "Miha-antitra aho, noho izany dia tsy afaka handeha lavitra intsony." Izy dia efa ho, heveriko, sivifolo taona; tena antitra, ary nitsangatsangana teo, sady tena feno Hery mameleona izy. Mba fantatrareo moa? Nijery ny teny am-pitan'i Jordana izy.

O Andriamanitra! Saiky afaka mahita an'ilay ilany hafa aho. Ary ianareo?

²⁶⁸ Tena feno an'ilay Hery mameleona loatra, hany ka, nahita kalesy iray nifatotra izy teo am-pita teo, soavalys Afo vitsivitsy sy kalesy Afo, nifatotra teo amin'ny hazo iray teo am-pita teo. Nandeha niampita an'ilay renirano fotsiny izy ary lasa nankany an-Trano, tsy maty akory aza. Ilay Hery mameleona no nandefa, nanao kalesy iray hidina avy tany An-danitra ka nampakatra azy. Nanala ny kapötiny mihitsy aza ary nanipy an'izany ho an'i Elia. Marina izany.

²⁶⁹ Ankehitriny, tamin'izay fotoana izay dia nalain'io lehilahy io ilay akanjo, tandindona iray an'ilay Fiangonana indray, hitanareo, naka an'io akanjo io. Ankehitriny, nanao an'ireo fahagagana indroa izy, izay tandindona iray an'i Kristy sy ny Fiangonana. Hitanareo? Elia nahavita efatra; izy nahavita valo. Hitanareo, ankehitriny, izy dia—izy dia indroa amin'ilay hery, satria nangataka an'izany. "Hanao zavatra lehibe lavitra noho izay Ataoko ianareo." Hitanareo? Fa tena feno an'ilay Hery mameleona loatra izy, sy ny zavatra rehetra, hany ka nahavita an'ireo rehetra ireo, indroa, izay nataon'i Elisa, mihoatra noho izay nataony. Ary mariho, niaina fiainana iray hatrany amin'ny valopolo na sivifolo taona teo izy, antitra izy ary izy—maty izy. Maty izy, ary izy ireo—naka azy izy ireo ka nandevina azy.

²⁷⁰ Fantatrareo, eny, tsy niala taminy io Hery mameleona io. Taona maro, maro taorian'izany, rehefa lò tanteraka niendaka tamin'ny taolany nynofony, nandry tao anaty fasana iray izy. Ary nitondra lehilahy maty iray izy ireo indray andro, ka nahita an'ilay fahavalao, dia natsipin'izy ireo teo an-tampon'ireo taolan'i Elisa fotsiny io lehilahy io. Nisy Hery mameleona betsaka loatra teo amin'ireo taolana ireo hany ka nitsangana tampoka ho amin'ny fainana indray ilay lehilahy. Oh!

²⁷¹ "Izany no hamelona ny vatanareo mety maty." Na maty sy lò ao am-pasana aza, kanefa nijanona teo ambonin'ilay vovoka io Hery mameleona io. Haleloia! Ah! "Izy izay nanangana an'i Kristy tamin'ny maty no mameleona ihany koa ny vatanareo mety maty." Ilay Elia tany, Elisa sy Elia . . .

²⁷² Tsarovy, io lehilahy maty io, io mpaminany io, feno an'ilay Hery mameleona, nandry tao am-pasana ary lò tanteraka; nisy Hery mameleona betsaka tao, hany ka, natsipin'izy ireo teo aminy ny lehilahy maty iray, dia tonga teo amin'ny fainana izy. Mbola afaka nametra-tàhana teo amin'ny marary foana izy. Sa tsy izany? Amena. Eo ianareo izao.

²⁷³ Ary tsarovy, nafon'ny Nofony isika, Jesosy Kristy. "Nofon'ny Nofony isika, ary taolan'ny Taolany." Oh, tsy misy fomba ialàna amin'izany. Hitsangana isika, dia izay ihany. Hitsangana ianareo, izay ihany.

²⁷⁴ Ny Paska dia midika mihoatra lavitra nohon'ny fombafomba iray fotsiny. Izany koa ilay izy ankehitriny, satria novelomina niaraka Taminy ny vatantsika ary mipetraka ao amin'ireo toeran-Danitra isika.

²⁷⁵ Ary mety ho lò ao anatin'ny ranomasina ity vatanana ity; mety ho lò ao anatin'ny tany izy; mety tsy hisy lavenona eran'ny sotro ao; fa hivoaka izy. Satria, ny Fanahy izay nanangana ny Tompoko tamin'ny maty no efahamelona an'ity vatanana mety maty ity. Izany no mameleona ny vatanareo mety maty. Ary isika no mpahazo tombony Aminy an'ny Fitsanganany, ny Fiantohan'ny Fainana Mandrakizay izay resahako betsaka, fantatrareo. Tsy mahagaga raha hoy Izy hoe, "Aza matahotra." Nahafantatra Izy.

²⁷⁶ Fa araka ny nolazain'i Paoly hoe, "Ry fahafatesana, aiza ny fanindronanao? Ry fasana, aiza ny fandresenao? Feno Hery mameleona aho. Isaorana Andriamanitra, Izay manome antsika ny fandresena amin'ny alàlan'i Jesosy Kristy Tompontsika." Eny, tompoko! Hery mameleona. Oh, oadray!

²⁷⁷ Velona mandrakizay mandrakizay Izy, "ilay tsy miova omaly, anio, ary mandrakizay." Hebreo 13:8. Mariho, Mesia, Ilay voahosotra; toy izany koa Ny Ampakariny, ireo Mesia-vavy, hitanareo, Ilay voahosotra.

²⁷⁸ Mariho, tsy mampijanona ny Herin'Andriamanitra mameleona ny fahafatesana. Tsy afaka mampijanona an'Izany ny fahafatesana. Rehefa manana Azy ianareo, dia Mandrakizay

Izany. Tsy hisy na inona na inona hampijanona an'Izany. Tsy afaka hanisy lamboridy an'Izany ianareo; ianareo tsy afaka—tsy afaka manao na inona na inona amin'Izany. Miaina ny fiainanareo rehetra ianareo, tsy mbola hampijanona Azy foana izany; tsara foana arak'izay naha-izy Azy.

²⁷⁹ Mariho, feno an'io Hery mamelona io i Mosesy. Sa tsy izany? Mpaminany iray izay nahatongavan'ny Teny izy. Ampahan'ny Teny izy. Izy no Teny tamin'izany andro izany. Marina ve izany? Ary taorian'ny nahafatesany, valonjato taona; teo amin'ny Tendrombohitra Fiovan-tarehy, dia nitsangana teo izy, niaraka tamin'i Elia. Marina ve izany? Ilay Hery mamelona, tsy manaisotra an'Izany mihitsy ny fahafatesana. Tsia, tsia. "Izaho no hanangana azy indray." Tonga ireo Anjely; nandevina azy tao amin'ny lohasaha iray. Efa lò izy ary lasa, lasa ireo taolany, sy ny zavatra hafa rehetra, saingy mbola tao ilay Hery mamelona. Izany no namelona azy sy nampakatra azy. Ary teo izy, nitsangana teo. Mariho.

²⁸⁰ Hoy ianareo hoe, "Marina ve izany, Rahalahy Branham, taorian'ny valonjato taona?" Oh, oadray!

²⁸¹ Raha hamaky ao amin'ny Matio ianareo, manana Soratra iray aho, Matio 27:51. Afaka manoratra ianareo, mandray naoty an'izany. Rehefa ireo zavatra rehetra tany aoriana ireo, izay nino fa ho avy Izy... Nilaza ny Baiboly eto, taorian'ny Nahatongavany, fa natory tao anatin'ny tany izy ireo. Teo amin'izy ireo ny Hery mamelona, ary Ampahany izy ireo, ireo masina ireo. Ampahany izy ireo, satria nino Azy.

²⁸² Efa nanana an'io Fiainana io izy ireo tamin'ny ampahany, tamin'ny alàlan'ny ondry fanatitra iray, fampiononam-pahatezerana iray, izay tsy afaka hitondra fanahin'ondry iray hiverina eo amin'ny olona. Ahoana ankehitriny ny miaraka amin'ny Fanahin'ilay Olona, Andriamanitra Izy tenany, eo aminareo, hitanareo, tsy mihoatra noho izany ve no ananantsika ny Hery mamelona! Fa tamin'ny alàlan'ilay fampiononam-pahatezerana no nanolorana zanak'ondry iray, ao amin'ny tandindona. Ny ananantsika dia tsy tandindona; ilay tsitandindona izany. Inona no atahorantsika? Ary ireo olona izay nanana tandindona iray fotsiny ihany, dia nanondro ny Fitsanganany, ka nandeha tao am-pasana niaraka tamin'izany.

²⁸³ Tahaka an'i Joba tany aoriana tany teo ambanin'ny fahavoazany lehibe, oadray, nesorina taminy ny zavatra rehetra! Hoy ny devoly hoe, "Avelao aho hahazo azy. Hataoko hanozona Anao eo amin'ny Tavanao izy." Ary nitroatra izy tamin'izay fotoana izay.

²⁸⁴ Hoy Izy, "Aza esorinao ny ainy." Ary nataony (izy) ny rehetra afa-tsy ny nanala ny ainy.

²⁸⁵ Ary na ny vadiny aza dia nihodina nanohitra azy. Nolazainy fa lasa hafahafa taminy ny fofon'ainy. Amin'ny teny hafa, izy—

tsy misy idirany aminy. Toy ny hoe tsy tia azy intsony izy, nanosika azy hiala fotsiny. “Joba, mahantra ianao! Nahoana ianao no tsy manozona fotsiny an’Andriamanitra, dia maty?”

Hoy izy, “Miteny toy ny vehivavy adala iray ianao.” Oh, oadray!

²⁸⁶ Hitanareo, nifikitra mihitsy tamin’izay nananany izy. Ankehitriny, mpaminany iray izy. Hoy izy hoe, “Tsy mpanota aho. Nanolotra an’ilay fanatitra nomanina aho.” Amena. Fantany hoe taiza izy no njoro. Teo amin’ny Teny izy. Tsy mampaninona izay nolazain’ireo hafa, teo amin’ny Teny mihitsy Izy. Avy eo ilay ora goavana be...Hoy izy, “Miteny toy ny vehivavy adala iray ianao.” Hoy izy hoe, “Ny Tompo no nanome, ny Tompo no maka; nahoana, isaorana anie ny Anaran’ny Tompol!” Hoy izy, “Tonga teto amin’ity izao tontolo izao ity aho tsy nanana na inona na inona. Tonga teto aho, nitanjaka, ary handeha tahaka an’izany ihany. Isaorana anie ny Anaran’ny Tompol!” Nipetraka teo izy, feno vay, maty ireo zanany, tra-pahoriania izy, ary nihodina nanohittra azy avokoa ireo sakaizany, ireo mambram-piangonany, ny zavatra hafa rehetra, nihaotra ny tenany tamin’ny...Ary olo-mahantra iray toy ny inona! Tsy mbola nandalo tamin’izany mihitsy ny iray aminareo. Mbola, nihazona tamin’io Teny io foana izy.

²⁸⁷ Voromahery iray izy. Oh, oadray! Tsy afaka hihazona an’ilay voaly manify eo amin’ny masonry hatramin’ny farany ianareo. Tsia, tsia. Tampoka teo, njoro teo amin’ny Teny izy, inona no nitranga? Nisokatra ny lanitra, nanomboka nierona ireo kotrokorana, nanomboka nanjelatra ny tselatratra, dia niandrandra i Joba ka nahita an’ilay fahitana, nanao hoe, “Fantatro fa velona ny Mpanavotro. Hitsangana eto ambonin’ity tany ity Izy amin’ny andro farany. Ary na levon’ny kankan’ny hoditra aza ity vatana ity, ireo taolana sy ny rehetra, dia ho eo io Hery mamelona io. Nahita an’Andriamanitra amin’ny tenako aho, Izay ho hitako amin’ny tenako. Ny masoko no hibanjina fa tsy ny hafa.” Marina ve izany? “Na levona ato anatiko aza ireo voako, na ireo kankan’ny hoditra izay ao anatin’ny vatako ankehitriny aza, dia handevona an’izany.”

²⁸⁸ Fantatrareo, tsy manatona anareo ireo kankan’ny hoditra. Efa ao anatinareo io kankana io, ny kankan’ny hoditrareo manokana. Efa mba nahamarika an’izany ve ianareo? Atao ao anatin’ny vatam-paty iray ianareo, ary atao tsy idiran’ny rivotra mihitsy izany; handany anareo ireo bibikely, mitovy foana, satria ao anatinareo izy ireo. Andiana bibikely iray fotsiny ianareo, eo am-panombohana, ao amin’ilay anatiny.

²⁸⁹ “Na ireo kankan’ny hoditra aza, ireo kankan’ny hoditro dia handevona ahy, nynofoko, kanefa hahita an’Andriamanitra amin’ny nofoko aho.”

²⁹⁰ Ary amin'io marainan'ny fitsanganana io! Voninahitra! Haleloia! Matio, ity mpanoratra malaza ity, 27:51, dia nanao hoe, "Taorian'ny Nitsanganany tamin'ny maty, dia ireo masin'ny Testamenta Taloha, ny maro tamin'ireo izay natory tao amin'ny vovoky ny tany, no nitsangana avy tao am-pasana, ary niditra tao amin'ny tanàna ka niseho tamin'ny maro." Io Hery mamelona io, dia mbola teo amin'ireo taolan'i Elia foana rehefa tsy nisy taolana intsony, mbola teo amin'i Joba foana rehefa tsy nisy vovoka eran'ny sotro tavela avy tamin'ny vatany. Fa mbola teo foana ilay Hery mamelona.

²⁹¹ "Raha io Fanahy izay nanangana an'i Jesosy tamin'ny maty io no mitoetra ao anatinareo, dia Izzy ihany koa no hamelona ny vatanareo mety maty." Mariho, haingana ankehitriny.

²⁹² Hoy ianareo hoe, "Oh, maniry aho ny haina tany aoriana tany..." Miaina ao anatin'ny fotoana iray tsaratsara kokoa ianareo. Ankehitriny raha ianareo rehetra....

²⁹³ Mahita anareo mandray naoty Soratra vitsivitsy aho. Eny àry, raiso naoty ny Tesaloniana Voalohany 4:16. Mariho hoe mahafinaritra toy ny ahoana, hitanareo. Ao amin'ny... "Ireo masina, izay nodimandry tao amin'i Kristy, dia ho entin'Andriamanitra miaraka Aminy," hitanareo, ireo masina tao am-pasana, hiala sasatra. Tahaka an'i Elia; ny sasany tahaka an'i Elisa; hitanareo, ny sasany amin'izy ireo hovelomina, ny sasany halaina, ny sasany ho ao anaty fasana. Handeha hiaraka Aminy izy ireo. "Hotsofina ny Trompetran'Andriamanitra, ary ny maty ao amin'i Kristy no hitsangana aloha. Ary isika izay velona ka mitoetra dia hakarina miaraka amin'izy ireo, mba hitsena ny Tompo eny amin'ny habakabaka." Ilay Hery mamelona eo amin'ilay velona; ilay Hery mamelona eo amin'ilay maty. Hitanareo?

²⁹⁴ Ilay Herin'Andriamanitra mamelona iray ihany izay voaseho teo amin'ireo mpaminany roa ireo. Jereo fa ireo anarany, dia saiky mitovy, Elisa, Elia. Hitanareo ve ilay Ampakarina sy ilay Mpampakatra? Ny Iray amin'izy ireo dia Atoa. Jesosy; ilay anankiray hafa dia Rtoa. Jesosy. Hitanareo, saiky mitovy, izao fotsiny—eo anelanelan'ilay—ilay Izzy [He] sy Izzy [She] fotsiny. Hitanareo?

²⁹⁵ Elia, fa jereo hoe ahoana no anehoana an'izany eto. Ankehitriny, Elisa.... Dia nakarina tao amin'ny fampakarana, maneho an'ilay Fiagonana, eny àry, Elia; ary Elisa dia niala sasatra mandra-pahatongan'ny fitsanganana. Hitanareo? Tahaka ny vorona iray fotsiny ilay izy, izay mila elatra roa hampifandanja ny tenany. Hitanareo? Voaseho eto amin'ireo mpaminany roa ireo mihitsy ilay Fiagonana. "Fa isika izay velona ka mitoetra mandra-pihavian'ny Tompo, dia tsy hialoha an'ireo izay nodimandry; fa hotsofina ny Trompetran'Andriamanitra," ho tonga miaraka ireo elatra

roa, ary hanidina isika, haleloia, hanidina. Satria, (inona?) ao amin'ilay velona, na ilay maty, dia mbola velona foana io Hery mameleona io.

²⁹⁶ Mariho. Tsarovy, tsarovy ankehitriny, novelomina mba hahita hoe inona ireo zavatra ireo. Diniho ilay Hery mameleona an'izao andro izao. Tsarovy, novelomina isika. Vao tsy ela akory izay, ho an'ny fanampiana . . .

²⁹⁷ Ary izaho—izaho dia mihevitra fa ny Tompo no nilaza, ary toy izany koa i Paoly hoe, "Izay nasehon'ny Ray ahy, dia tsy nisy na inona na inona nafeniko. Teneniko aminareo." Ary amin'ireo andro farany ireo rehefa hitantsika teo amintsika Ny Heriny mameleona, Nomeny antsika mihitsy aza ny Hery mameleona, mba hahita ny marary sitrana. Nahita an'ilay Hery Mamelona niasa teo anivontsika isika, tahaka Azy teo amin'izy ireo tamin'ny andro voalohany, hitanareo, mahita Azy mamerina amin'ny alàlan'ny fahitana sy manangana ny maty, mahita Azy manao ny marary ho salama.

²⁹⁸ Niteny tamin'ny olona iray aho indray andro. Donavon Weerts kely eto, ataoko fa mahafantatra azy ianareeo rehetra. Nihaza niaraka taminy aho. Olona kely mampalahelo . . . Zalahy kely iray mahafinaritra izy. Tonga eto amin'ity fiangonana eto ity izy. Izy dia . . . Sakaizako tena tsara iray mihitsy. Ary izy fotsiny . . . Hoy izy hoe, "Tsy te-hanelingelina anao aho."

²⁹⁹ Nijery aho, ary ny sofiny, nibontsina tanteraka, nivoaka ny tao anatin'y. Dia hoy aho hoe, "Manao ahoana ianao, Donavon?" Noraisiko tamin'ny tånama fotsiny izy, tahaka an'izao, ary homamiadana iray. Hoy aho hoe, "Donavon, inona ny olana amin'ny sofinao?"

³⁰⁰ Hoy izy hoe, "Tsy fantatroe, Rahalahy Branham. Teo amin'ny enina, fito volana, ary manohy fotsiny lasa . . ."

Hoy aho hoe, "Nahoana ianao no tsy nilaza zavatra mikasika an'io?"

³⁰¹ Hoy izy, "Izaho—tsy te-hanelingelina anao aho, Rahalahy Branham."

Hoy aho hoe, "Fantatroe ve hoe inona io?"

Hoy izy, "Manana hevitra iray aho."

³⁰² Nametraka ny tånakao teo aminy fotsiny aho, tsy nilaza teny iray mihitsy. Roa andro taorian'izany, dia tsy nisy na dia holatra iray aza teo. Inona izany? Ilay Hery mameleona, hitanareo, Izany no hamelona ny vatanareo mety maty. Ho lany tanteraka ny sofiny, ho lasa ny ati-dohany, hitanareo, ho faty izy. Saingy, ilay Hery mameleona! Hitanareo?

³⁰³ Ary indray andro rehefa reraka aho, ny tenako, saiky . . . Hoy aho hoe, "Raha ianao . . . Ry tovolahy, tsaratsara kokoa ho anao ny mandroso, dimampolo taona ianao. Ianao, raha hanao zavatra ho an'ny Tompo ianao, dia tsaratsara kokoa ho anao ny mandeha

haingana ka manao an'izany. Miha-antitra ianao." Hitanareo? Ary teo tamin'io maraina io, dia tonga ilay Hery mamelona, ka namela ahy hijery ny tany ankoatr'ilay lamban'efitra Izy, ary nahita anareo rehetra aho tany. Ah-hah. Hitanareo? Hoy Izy hoe, "Izay rehetra hany tianao, sy ireo rehetra tia anao, dia nomena anao izy ireo." Hitanareo? Nahita azy rehetra ireo tahaka an'izany ahotany. Inona izany? Hery mamelona.

³⁰⁴ Feno Hery mamelona tanteraka i Jaona ilay mpanambara, ka nitsangana ary nahita ny farany hatrany amin'ny fiandohana.

³⁰⁵ Feno an'ilay Hery mamelona i Isaia, ary nitsangana ka nahita ny Arivo taona sy ny rehetra.

³⁰⁶ Hery mamelona! "Ary raha ny Fanahy izay nanangana an'i Kristy tamin'ny maty, no mitoetra ao anatinareo, dia Izany no hamelona ny vatanareo maty...vatanareo mety maty." Tsarovy, ilay Hery mamelona!

³⁰⁷ Jereo izay hitantsika amin'izao andro izao. Tonga teo amintsika ilay Hery Mamelona, mba hanokatra an'ireo Tombokase Fito. Inona izany, ilay fahendren'ny lehilahy iray ve? Tsia, ilay Herin'Andriamanitra mamelona. Hitanareo, ilay Herin'Andriamanitra mamelona no niteny mialoha fa hiseho izany. Hitanareo, ilay Herin'Andriamanitra mamelona no nanao an'izao tontolo izao hanamarina Azy, hoe izany no Fahamarinana. Ilay Anjelin'ny Tompo, izay noteneniko taminareo, dia teo, tao anatin'ny Andry Afo iray; ny Hery mamelona no namela an'izao tontolo izao hanamarina fa Izany no Fahamarinana. Ary, tao amin'izany, dia tsy nahafantatra izy ireo hoe inona Izany; fa isika no nahafantatra, mijery tahaka an'izao fotsiny, ary Izany no Tompontsika tany, hitanareo.

³⁰⁸ Izy no Anankiray Izay nanokatra an'ireo Tombokase ireo. Izy ireo Tombokase ireo, satria ny Tenin'Andriamanitra manontolo dia Kristy, ary Kristy no Tombokase izay nosokafana. Inona àry ny fanokafana ny Tombokase? Fanambarana an'i Kristy.

³⁰⁹ Ary tena ireo Anjely ireo mihitsy, izay naneho an'ireo Fiagonana Fito feno manontolo, nefá tsy afaka nahita an'Izany akory aza isika. Izy ireo no nahita, izy ireo no naka an'ilay sary, fa tsy isika. Ary io Izy, nitsangana teo, Mpitsara Faratampony; maneho fa Izy no Alfa sy Omega, ny fiandohana sy ny fiafarana. Fanondroana toy ny inona! Ny Hery mamelona no nanao an'izany ho antsika.

³¹⁰ Ny Hery mamelona no mamela antsika hahita ny Fihaviany. Ny Hery mamelona no nanendaka antsika avy tao amin'ny fahafatesana ho amin'ny Fiainana. Ny Hery mamelona no manome antsika ny famantarana; mba hahafantatra hoe inona no tsy mety aminareo, ary inona no atao; inona no nataonareo, ary inona no tsy tokony nataonareo; ary inona no tokony nataonareo, sy izay haha-izy anareo. Ny Hery mamelona, ireo zavatra rehetra ireo!

³¹¹ Tena feno Hery mamelona Jesosy Tompontsika, Izzy no rehetra amin'Izany, niaraka. Tena feno Hery mamelona Izzy, ka izao no Nolazainy hoe, "Ravao ity vatana ity, fa Izaho no hanangana azy afaka telo andro." Miresaka ny amin'ny fahatokiana ny Hery mamelona! "Ravao ity vatana ity, fa Izaho no...ity tempoly ity, fa Izaho no hanangana azy afaka telo andro."

³¹² Nahoana, nahoana Izzy no nilaza an'izany? Fantany fa izany no voasoratra ny Aminy, hitanareo, fa izany no voasoratra ny Aminy, nohon'ny Tenin'Andriamanitra izay tsy mety diso. Hoy ny Teny hoe, "Tsy hamela Ny Iray Masiko hahita ny lò Aho, ary tsy handao ny Fanahiny ao amin'ny helo Aho." Fa Fantany hoe io Hery mamelona io no hanangana Azy, ka tsy hisy sela anankiray ho lò ao.

³¹³ Hoy Izzy hoe, "Ravao ity tempoly ity, fa Izaho no hamerina azy indray afaka telo andro."

³¹⁴ Nahoana? Faminaniana izany, ny Tenin'Andriamanitra. Ary ny faminaniana, raha Tenin'Andriamanitra marina Izany, dia tsy mety diso. Ary ilay faminaniana iray ihany sy ny Tenin'Andriamanitra izay nilaza fa Izzy no hanangana Azy, no milaza fa efa nitsangana niaraka Taminy isika. Tsy mahagaga raha hoy Izzy hoe, "Aza matahotra." Ary izao no voasoratra, hoe, "Ny Fanahy izay misy ankehitriny, izay tao Aminy, ao amintsika ankehitriny, no manangana ihany koa ny vatantsika mety maty." Aza matahotra, ry sakaiza, mitsangana ilay Z-a-n-a-k-a. Mitsangana ilay Zanaka. Tsy...

³¹⁵ Jereo ny fiovan-tarehy ankehitriny. Isika dia, ny tsirairay avy, voaseho tao. Nisy an'ireo masina velona izay nakarina teo, nisy an'i Elia izay nitsangana teo; ary nitsangana teo i Mosesy, ireo masina maty dia nane-... Izao koa, nanana ny Hery mamelona izy roa ireo. Na ilay anankiray maty, na ilay hafa tsy maty, dia eo daholo izy ireo.

³¹⁶ Mariho, oh, jereo izay hitantsika ankehitriny ao amin'izao andro farany izao. Ilay zavatra iray ihany izay Nampanantenainy, Jaona 14:12. Ankehitriny jereo. [Elanelana tsy voaraki-peo—Mpand.] Izany tokoa.

Hoy ny olona hoe, "Mihambo ho manana ny hery ve ianareo?" Tsia, tsia, tsia.

³¹⁷ Tahaka an'ireo teo amin'ny Tendrombohitra Fiovan-tarehy fotsiny isika, hitanareo. Izany tokoa, tsy mihambo hery isika. Fa, isika, tahaka—tahaka azy ireo... Teo amin'ny Tendrombohitra Fiovan-tarehy, dia tsy nilaza izy ireo, Mosesy, nanao hoe, "Jereo hoe iza, jereo hoe iza aho," ireo mpianatra nanao hoe, "jereo hoe iza aho, jereo hoe iza aho." Fantatrareo ve izay nitranga? Mariho, nahita an'i Jesosy nomem-boninahitra izy ireo. Izay ihany no tian'izy ireo ho hita voaseho, Jesosy nomem-boninahitra.

³¹⁸ Ary toy izany koa ilay izy amin'izao andro izao, tsy miezaka ho olona goavana iray isika. Tsy ahoantsika izay lazain'ny olona mikasika antsika. Tsinontsinona ny anarantsika; Ny Anarany ilay izy. Ny fiainantsika, tsinontsinona izany; Ny Fiainany ilay izy. Ny Heriny ilay izy, fa tsy ny herintsika. Ary zavatra iray ihany no tiantsika hatao, dia ny hahita Azy nomem-boninahitra. Ary ahoana no hampety an'izany? Rehefa nomem-boninahitra ao anatintsika Izy, amin'ny alàlan'ny Fitsanganany izay ao anatintsika. Mahita Azy voaseho indray tahaka ny naha-izy Azy isika, amin'izao andro izao.

³¹⁹ Azonareo ve izany? Hitanareo, ny fanirantsika dia tsy ny homem-boninahitra. Ny fanirantsika dia tsy anarana goavana iray. Ny fanirantsika dia tsy hampandroso fiangonana iray, na hanao betsaka ao amin'ny sekoly Alahady, na miezaka hampiditra, mamatotra mafy, manosika, manolotra fetim-pitsangatsanganana, na mitondra kintana, bokotra, na zavatra hafa tahaka an'izany. Tsy izany no fanirantsika. Ny fanirantsika dia ny hahita Azy nomem-boninahitra. Nomem-boninahitra, (inona?) tsy miaraka amin'ny fireharehana manokana; fa ao anatintsika, ny fiainantsika, mba hanaporofa velona sy miaina ao anatintsika Izy.

³²⁰ Raha afaka manala ny tenako eo amin'ilay lâlana aho, mba tsy ho eritreretina akory aza i William Branham, ary tsy eritreretina akory aza ianareo, mandra-pahatongantsika hahita an'i Jesosy nomem-boninahitra eo anivontsika. Mahita Azy, izany no fanirantsika. Izany ilay mamelo-... manome antsika an'ilay Hery mamelona. Ary izany no manome antsika ny fifaliana, ny mahafantatra fa miaraka Aminy isika, sady nofo no taolana izay Azy, amin'ny maha-Ampakarina izay Azy; ary mahita an'ireo Fanaony iray ihany voamarina, manaporofa ao anatintsika fa nitsangana tamin'ny maty Izy ankehitriny. Hitanareo?

³²¹ Tsy mahagaga raha hoy Izy hoe, "Aza matahotra", satria ankehitriny, mariho, navotana tamin'ny Alàlany isika, ary nitsangana niaraka Taminy ankehitriny. Izany no dikan'ny Paska ho an'ny olona, "nitsangana niaraka Taminy"! Mariho. Ankehitriny dia manana Ny Fanahiny isika ao anatintsika, ilay fananana tsy azo lavina voaloa manontolo.

³²² Tsia, tsy milaza ianareo hoe, "Eny, manantena aho fa ho vitako ilay izy." Efa vitanareo izany. Tsy hoe, "Izaho dia hahavita an'ilay izy." Efa vitako izany. Tsy nahavita an'ilay izy mihitsy aho; Izy no nahavita an'izany ho ahy. Hitanareo? Tsy izaho; Izy! "Eny, Rahalahy Branham, izy ireo dia milaza..." Tsy ahoako izay lazain'izy ireo. Teo no Nahavitany azy, ho ahy. Izay ihany no ilaiko, izany no ahiako.

³²³ Izaho fotsiny—te-hahita Azy voaseho fotsiny aho. Ahoana no ahafahanareo manao an'izany, hiantso Azy hidina? Tsia. Ao

anatinareo Izy. Hitanareo, ao anatinareo Izy. “Eny, noho izany, Tompo, raha afaka manala ny tenako amin’ilay lâlana aho, dia afaka maneho Ianao. Ny tenako... Ahoana no Ahafahanao manao an’izany? Satria izany no Nanendrenao azy. ‘Izay rehetra nomen’ny Ray Ahy no hanatona.’” Mariho. Voninahitra!

³²⁴ Miaraka amin’io porofo rehetra voaangona io, miaraka amintsika ankehitriny izao maraina izao, oh, mieritreritra an’ilay hira aho hoe:

Amin’io marainan’ny fitsanganana io,
Rehefa ho tapaka ireo tadin’ny fahafatesana,
Hitsangana isika, (Haleloia!) hitsangana isika!

³²⁵ Mino an’izany ve ianareo? [Hoy ny fiangonana hoe, “Amena.”—Mpand.] Hitsangana isika! Lasa Ampahany isika ao Aminy, ilay Paska, ny tsiambaratelon’Andriamanitra voambara tahaka ny naха-izy azy tamin’izany fotoana izany, an’ny Fiainana aorian’ny fahafatesana. Velona isika ankehitriny, ireo izay maty tao amin’ny fahotana sy ny heloka fahiny. Ilay Tombokasen’ny Paska marina no nanapaka ny fahafatesana nanodidina ahy, ka velona aho. Ilay Tombokasen’ny Paska, tany amin’ny voalohany, no nanapaka ny tombokasen’ilay tombokase Romana, ilay Tombokasen’ny Paska, izay nanisiana tombokase Azy. Ary ny olona, rehefa maty izy ireo, dia vita; fa Izy no nanapaka an’ilay tombokase ary nanambara an’ilay tsiambaratelo. Ary ankehitriny Andriamanitra, amin’ny alàlan’Ny Fanahiny Masina, dia nanapaka ny tombokase nanodidina ny fiainantsika, ka voambara Kristy satria velona ao anatintsika Izy, satria novelomina niaraka Taminy isika ankehitriny. Oh, pejy sy pejy!

Hitsangana isika, (Haleloia!)
Hitsangana isika! (Amena!)
Amin’io marainan’ny fitsanganana io,
Rehefa tapaka ireo fefin’ny fahafatesana,
Hitsangana isika, (Haleloia!) hitsangana isika!

³²⁶ Oh, tsy faly ve ianareo! Tena faly aho! Tany aorianana lavitra tany, tao amin’ny tranohevan-tsaribao ratsy kely iray indray maraina, dia tapaka ireo tombokase, ary nitsangana niaraka Taminy aho, olom-baovao iray. Ny Heriny mamelona; nitsangana ilay Zanaka.

³²⁷ Vao tsy ela akory izay, nitantaraina tantara kely iray aho mikasika ny—ny mpanjono iray. Tonga ny lehilahy anankiray ka nanakarama mpanjono antitra iray mba hitondra azy hanjono tany amin’ny Morontsiraka Andrefana. Nandeha izy ireo tamin’io maraina io.

³²⁸ Raha misy ny sasany aminareo efa nanjono trondro lehibe menamena tany, nahoana, dia ho fantatrareo izay miseho, be zavona be mampahatahotra any. Mahita ny rahalahy keliko aho,

Eddie Byskal, iry, misionera iray ho an'ireo Indiana any. Ary nanjono izahay, ny tenanay, tany amin'ireo morontsiraka ireo.

³²⁹ Noho izany dia karazana zazavao iray ity mpanjono ity, fantatrareo. Nandeha nanjono izy, ary lasa lavitra izy ireo. Niandry ny misandratr'andro ho tonga, fantatrareo. Ary izy ireo—ary tsy afaka nandre an'ilay anjombona ho an'ny zavona intsony izy ireo, ary taitaitra tanteraka ity mpanjono ity, nanao hoe, “Hono ho’aho, lasa lavitra amin'ilay ranomasina isika! Hey!” Lasa taitaitra tanteraka.

³³⁰ Hoy izy hoe, “Mipetraha, anaka. Mipetraha.” Ilay mpanjono antitra, nilamina, fantatrareo. Fantany izay noresahany. Hoy izy, “Andraso mandra-piakatry ny masoandro, amin’izay fotoana izay dia afaka mahita izay misy antsika isika.”

Hoy ianareo hoe, “Tsy maintsy ho Metodista ve aho? Batista? Pentekotista?”

³³¹ Andraso fotsiny. Miakatra ilay Zanaka, dia ho hitantsika izay misy antsika. Izy no Teny. Andraso mandra-pahitanareo ny Teny ho voaseho, mamiratra manerana an'ilay Voa, ilay Amboara mihofahofa, dia ho hitantsika izay misy antsika. Tianareo ve Izy? [Hoy ny fiangonana hoe, “Amena.”—Mpand.]

³³² Miala tsiny fa nihazona anareo ela aho. Firy aminareo no hijanona hatramin’ny rahariva? Oh, miverena fotsiny indray àry, rahariva, hitanareo. Eo amin’ny fito ora? Efa nanana olon-kafa iray ve ianao? [Hoy Rahalahy Neville hoe, “Tsia.”—Mpand.]

Ndao isika hanondrika ny lohantsika.

³³³ Misy anankiray ve eto, na maro, izay tsy manana an’io Hery mamelona io ao anatinareo? Efa namiratra manerana ilay Zanaka, ary mipetraka ato amin’ity tabernakla ity ianareo, nihaino an'ireo horonam-peo, kanefa tsy mbola namelona anareo mihitsy ilay Fanahy mba hahafahanareo hanaraka ny Tenin’Andriamanitra, mba hahafahanareo vehivavy sy lehilahy mankato ny Teny rehetra izay Nosoratany! Oh, zavatra iray mampidi-doza izany. Ahoana moa raha ho voa maty iray ianareo, tsy misy Aina ao anatinareo? Fa misy zavatra iray ao anatinareo, izay miteny aminareo hoe, “Izaho—te-hitsangana aho, izao maraina izao. Te-hitsangana hiala amin’ny toerana izay misy ahy aho. Tsy te-ho voa maty iray mihitsy aho, tafajanona ho vovoka sy hazo mitsingevana. Te-hitsangana aho.”

³³⁴ Hanangana ny tanganareo ve ianareo, hao hoe, “Mivavaha ho ahy, rahalahy”? Andriamanitra hitahy anao. Andriamanitra hitahy anao. Oadray, jereo ireo tanganana; tsy misy fomba mihitsy ho an'ny antso iray eny amin’ny alitara. Ny antsointsika hoe antso eny amin’ny alitara, dia tonga manodidina ny alitara ny olona, tsy tena mankasitraka loatra an’izany aho, na ahoana na ahoana. Nampiana fotsiny tao amin’ny fiangonana izany nandritry ny andron’ny fifohazana Metodista. Hitanareo?

³³⁵ Hoy ny Baiboly hoe, “Ireo rehetra izay nino, hitanareo, dia natao batisa.” Misy dobo iray ao, feno rano, miandry ny mpirotsaka rehetra izay vonona ny ho faty amin’ny tenany.

³³⁶ Ankehitriny, mety efa nalevina ianareo, im betsaka, tamin’ny Anaran’i Tompo Jesosy; fa raha tsy Aina io voa io, hitanareo, dia tsy hamelona azy Izany. Tsia, tsia, tsia. Ny batisan’ny rano dia tahaka ny ando iray izay milatsaka avy any an-danitra; afaka milatsaka eo amin’ilay voa izy, saingy, tsy misy Aina ao, tsy afaka ho velona izy.

³³⁷ Fa raha io tena batisan’ny rano io, an’ny fahafatesana ny amin’ny tenanareo, ka vonona ny ho faty amin’ny zavatra rehetra izay efa nampianarina anareo tamin’ny alalan’ireo fanekem-pinoana sy anaram-piangonana ianareo, izay mifanohitra amin’ny Teny, ka handeha toy ny zanakalahy na zanakavavin’Andriamanitra, sady manaiky an’izany ao amin’ny fonareo, dia diniho hoe inona no hataon’io batisan’ny rano io aminareo izao maraina izao. “Mibebaha, ny tsirairay avy aminareo, ary aoka hatao batisa amin’ny Anaran’i Jesosy Kristy ho an’ny famelàna ny fahadisoanareo, ny fahotanareo, ary ianareo handray ny Amboara, ny fanatitra ahofahofa. Handray an’ireo Dynamika ianareo, ny Fanahy Masina. Fa ny teny fikasana dia ho anareo, sy izy rehetra ireo. Ho an’ny taranaka rehetra, no hisiany.”

³³⁸ Andriamanitra Ray, izaho—niresaka lava aho, ary naka betsaka ny fotoan’ny olona, saingy, Tompo Andriamanitra, tsy misy fijanonanay ny amin’izany. Toy ny hoe tsy maintsy hijanona fotsiny mihitsy ianareo ary mandeha, sy miala sasatra, ary miverina indray. Miaina ao anatin’ny tontolo iray eo am-pahafatesana izahay, eo anivon’ny olona eo am-pahafatesana; miaraka amin’ny Hafatry ny Fiainana iray, ary miaraka amin’ny porofo iray an’ny fitsanganana. Andriamanitra malala, ho mety maty indray mandeha fotsiny izahay, ary ho inona moa izany raha hamela an’ity fanararaotra ity handalo aminay izahay?

³³⁹ Mirehitra ny fonay; mientanentana ny fanahinay; ireo izay miditra. Ary maro eto no mandre an’ity Hafatra ity izao maraina izao. Eny, roa na telonjato no nanangana ny tànany. Te-hino izy ireo, Tompo. Oh, azo antoka fa tsy maty io voa io, Tompo. Ahoana no ahafahan’izy ireo hanangana ny tànany tahaka an’izao? Misy zavatra ao. O Andriamanitra, raha izany ilay izaho ratsy, izany ilay vadin’i Joba izay nitsangana teo, nanao hoe, “Oh!” Fa, Tompo, avelao io Joba io, io mpino io, izay miditra, izao maraina izao, ho faty tanteraka, ary halevina eto ao amin’io batisan’ny rano io.

³⁴⁰ Ireo ranon’ando izay avy any An-danitra, ny Tenin’Andriamanitra izay milaza fa Izany no hanasa ny fahotana rehetra ary hamela an’izany! Natao batisa tamin’ny Anaran’i Jesosy Kristy ianareo, ho an’ny inona? Ny famelàna

ny fahotanareo, ireo fahotana voavela tamin'ny Anaran'i Jesosy Kristy.

³⁴¹ Enga anie, amin'izay fotoana izay, Ray, enga anie . . . Raha marary izy ireo, dia enga anie handeha ho salama. Enga anie, raha mandringa izy ireo, enga anie handeha eo ambanin'ny Herin'ny Fanahy Masina. Raha efa mpanota izy ireo, dia enga anie handeha ho voasasa sy madio. Ary ireo mekanika, tamin'ny fidirana; ho tonga avy any Ambony anie ireo Dynamika, ny Fanahy Masina, ka haka azy ireo, Tompo. Velomby ny vatan'izy ireo mety maty, amin'izay fotoana izay dia handre an'ireo fiteny vaovao tena izy izahay, ireo herin'Andriamanitra, fitiavana tsy hay lazaina, fahasoavana ho faty sy fahasoavana ho velona; ary Kristy iray nitsangana, Vatana iray, Ampakarina iray maneho Azy eto an-tany.

³⁴² Ray, Anao izy ireo. Nanangana ny tànany izy ireo. Efa nitory ny Teny aho. Ankehitriny, Ray, raiso izy ireo, mivavaka aho. Amin'ny Anaran'i Jesosy Kristy, no angatahako an'izany. Amena.

³⁴³ Tianareo ve Izy? [Hoy ny fiangonana hoe, "Amena."—Mpand.] Tsy mahafinaritra ve Izy? ["Amena."] Afapo ve ianareo fa ampahany amin'io fitsanganan'ny Paska io, ary nitsangana niaraka Taminy ianareo? ["Amena."] Atsangano ny tànanareo. Tafiditra ianareo.

³⁴⁴ "Ireo ankizy keliko," araka ny nolazain'i Paoly. Tsy miezaka ny haka tahaka azy aho, fa, ilay fitiavana, tiako ianareo. Nandalo tafio-drivotra sy ny zavatra hafa rehetra aho teny an-dàlana, mba ho tonga eto, mba ho tonga hiresaka aminareo. Nivoaka avy tao amin'ilay tany efitra aho, nitety an'ireo tafiotran'orampanala, sy ny sisa, mba ho tonga eto. Nandeha fiaramanidina izahay. Namily fiara nanerana ny firenena ianareo, mba ahafahantsika ho tafaraka. Mifankatia isika.

³⁴⁵ Samy ampahany isika. Aza avela hiteny zavatra hafa aminareo mihitsy i Satana. Satria samy ampahany, dia Ampahany isika. Ary olona teratanin'ilay Fanjakana isika, mankasitraka an'ireto fitahiana ireto, miaraka, an'ny fitsanganana.

³⁴⁶ Ary ankehitriny, hitanareo, efa nitsangana ianareo ankehitriny. Rehefa nanangana Azy Andriamanitra, dia nanangana anareo Izy. Eo aminareo mihitsy ilay Zanaka ankehitriny, ary mitombo ao amin'ny Fiainana mamôny iray tahaka Azy ianareo ankehitriny, mba hatsangana tanteraka amin'io andro farany io. Ny ampanahareo, dia anananareo ankehitriny. Nahoana no mahafantatra ianareo? Niova ny fanahinareo, sa tsy izany? Miditra ao amin'ny fankatoavana an'Izany ny vatanareo, sa tsy izany? Ao amin'ny fankatoavana ny (inona, fiangonana iray?) ny Teny, izay ny Aina, noho izany dia nitsangana tamin'ny maty ianareo ankehitriny. Izany no Paska,

ho ahy sy Jesosy. Izany no Paska, ho anareo sy Jesosy. Ary izany no Paska, ho anareo, ho ahy, ary Jesosy. Isika rehetra dia... Na, Jesosy, ianareo, ary izaho, isika rehetra dia nitsangana niaraka.

³⁴⁷ Ary hitsangana isika amin'ny andro farany, na dia miala amin'ny vatantsika aza ny fanahintsika, na dia arafesina aza ny vatantsika, mety ho lasa vovoka izy ireo, mety ho may izy ireo, mety ho any ambanin'ny ranomasina izy ireo. Hoy ny Baiboly hoe, "Nandraraka ny azy tao amin'ny ranomasina ny Anjely iray, ka nitsangana ny zavatra rehetra izay maty." Tsy misy na inona na inona afaka hanafina antsika, na hampisaraka antsika, amin'io Andriamanitra izay tiantsika loatra io, izay nanangana antsika niaraka.

³⁴⁸ Andriamanitra hitahy anareo. Nihazona elabe anareo teto aho. Raha mbola ao amin'io telefona io ireo olona ireo, azo antoka fa izy ireo... Amin'ny dimampolo cents ny iray minitra, dia nandoa marina tokoa izy ireo, izao maraina izao. Saingy, tsy afaka nijanona tamin'ilay ora mihitsy aho, tsy maintsy nanohy fotsiny aho.

³⁴⁹ Ankehitriny, raha sitraky ny Tompo, dia hiverina aho raha riva, hiresaka aminareo indray. Ary raha tsy afaka aho, ary fantatrareo rehetra avy eo... Ataoko fa isika dia tsy eo...na tsy... Tsy eo amin'ny telefona intsony ve isika? Tsy eo amin'ny telefona intsony.

³⁵⁰ Mahafantatra ianareo rehetra hoe ho aiza aho, sa tsy izany? Afrika! Efa elabe aho no nangataka; nandritry ny taona maro no niezahako hiverina. Ankehitriny ny fahitana iray, ny Fanahin'ny Tompo no nanomana ny làlana. Nilaza izy ireo, fa rehefa nandre an'izany ireo teratany mahatrantra, hoe tsy ho avy aho tamin'ny fotoana farany naha-tany ahy, dia natoty teo amin'ny tany andro aman'alina izy ireo, ka nitaraindraina sy nitomany, ary nanao hoe, "Tompo, inona no nataonay?" an'arivony amin'izy ireo. Tsy mino akory aza ireo olona ireo fa manana fanahy iray izy ireo. Hitanareo? Koa nitomany sy nitaraindraina izy ireo, ary nitomany.

³⁵¹ Aza mandefa teny mialoha mihitsy. Aza mandefa azafady. Hitanareo, raha sendra lasa any io fahazoan-dàlana io ka tonga eo anivon'ireo mpitoriteny ireo, dia hanakana ahy avy hatrany izy ireo any. Tsy maintsy hiditra toy ny mpihaza iray aho. Handeha any amin'ilay mpanjakavavy izay nitondra vagao fito ambin'ny folo feno olona ka tonga tany amin'ilay favoriana aho. Tsy maintsy handeha any aho ary hihaza ao amin'ny taniny. Ary miditra aho, ny pasipaoroko sy ny zavatra rehetra dia ho an'ny mpihaza iray, fa tsy asa ara-pivavahana.

³⁵² Amin'izay fotoana izay dia hisy rahalahy anankiray hihaona amiko, hanao hoe, "Nahoana no tsy manao favoriana kely iray

ho anay ianao?" Efa nofaina ireo kianjabe. Tsy fantatr'izy ireo akory aza izany. Hitanareo? Oh, voninahitra!

³⁵³ Mivavaha mba tsy ho voasakana ny sitrapon'Andriamanitra. Fa, ny fanahiko izay niantsoantso an'i Afrika hatramin'ny nialako, enga anie aho ho afaka hiverina indray, avy eo dia hitondra aminareo ny hafatry ny fivoriana lehibe iray. Mety tsy hahita anareo intsony angamba aho, manomboka androany, mandra-piveriko. Handeha izahay, afaka andro vitsivitsy fotsiny ankehitriny, ny fahafolon'ny Mey. Hivavaka ho ahy ve ianareo? [Hoy ny fiangonana hoe, "Amena."—Mpand.]

³⁵⁴ Tsarovy, tsy fantatrareo hoe inona ireo olana, mandra-pahatonganareo any; mpampianatra mpamosavy eo amin'ny andaniny rehetra, sy ny devoly, ary aza mihevitra fa tsy mahafantatra an'izay hatao izy ireo. Hitanareo? Fa tsaratsara kokoa ho anareo ny mahafantatra izay resahanareo, rehefa mitsangana eo anatrehan'izy ireo ianareo. "Fa fantattro Izay ninoako, ary resy lahatra aho fa Izy dia afaka mitahiry an'izay natolotro Azy hatramin'izany andro izany."

Ankehitriny, misy mosara vitsivitsy mipetraka eto.

³⁵⁵ Andriamanitra malala, arak'ity Hafatra androany maraina ity, an'ny fitsanganana, ary mijoro eto aho, Tompo, ka manaporofo amin'ny alàlan'ny Teny fa ao anatin'ilay zanaka mino io Hery mameleona io. Noho izany, eo ambonin'ny finoana, amin'ny finoana, fa nanova ny fiainako io Hery mameleona io. Koa mino ireto olona ireto, Tompo, fa nanova ny fiainan'izy ireo Izany. Ary mifampivavaka izahay.

³⁵⁶ Mametraka ny tànako eo ambonin'ireto mosara ireto aho, mba... Enga anie Andriamanitra, Izay namelona an'i Jesosy Kristy ka nitondra Azy avy tao amin'ny maty, ary ilay Fanahy izay nanangana Azy tamin'ny maty, hitoetra ao anatin'ny vatanay.

³⁵⁷ Ilay Fanahy izay teo amin'ny vatan'i Elisa, izay, taorian'ny nahafatesany ka tsy nisy afa-tsy taolana, nanana ny Hery mameleona tao anatiny izany. Nanana ny Hery mameleona tao anatiny ny tànan'ireo apostoly. Ny sain'ireo apostoly, ny fahitan'ireo apostoly, ireo—ireo lelan'ny mpino, ny rehetra dia nanana Hery mameleona.

³⁵⁸ Enga anie io Hery mameleona io ankehitriny, raha mametraka an'ity Teny ity eo ambonin'izy ireo aho, ary ny tànako mba haneho fa tompony iray, nohon'ny fahasooavana, an'io Hery mameleona io, enga anie Izany hamelona ny tsirairay avy amin'ireto vatana marary ireto, ka ho salama indray izy ireo, Andriamanitra, amin'ny alàlan'ny Anaran'i Jesosy Kristy.

³⁵⁹ Enga anie tsy ho an'ireto mosara ireto ihany izany, fa ho an'ireo olona ato amin'ny mpanatrika, ny tsirairay izay mijaly. Ireo ankizy kely, ireo olona azon-taona, na inona na inona izy

ireo, enga anie ilay Hery mamelona hamelona azy ireo izao ankehitriny izao, amin'ny Anaran'i Jesosy. Amena.

³⁶⁰ Ankehitriny, firy no manana ny Hery mamelona? [Hoy ny fiangonana hoe, “Amena.”—Mpand.] Ankehitriny mifametraha tānana ianareo, raha ao anatinareo io Hery mamelona io.

³⁶¹ Ankehitriny, zavatra anankiray ihany no misakana an’Izany, manakana, izany dia ny tsi-finoanareo. Nikasika ny Akanjony ny vehivavy iray, dia lasa salama; Romana iray no nandrora teo amin’ny Tavany, dia lasa tany amin’ny helo. Hitanareo? Noho izany ilay izy dia... miankina amin’izay misy anareo izany. Mino an’Izany ve ianareo? [Hoy ny fiangonana hoe, “Amena.”—Mpand.] Mino an’Izany ve ianareo?

³⁶² Tiako ianareo hanondrika ny lohanareo ankehitriny ka hifampivavaka. Izao fotsiny—mivavaha tsara fotsiny, manaova fotsiny hoe, “Tompo, ity olona ity”... Hitanareo, mifampivavaha fotsiny.

³⁶³ Andriamanitra malala, manao an’izao amin’ny Anaran'i Jesosy Kristy izahay, ilay Anarana tokana izay nomena eo anivon’ny olona izay hahafahanay ho voavonjy na ho sitrana. Ireto olona ireto, izay teratanin’ilay Fanjakana, tompon’ny Hery mamelona, velomy ho azy ireo Izany, Tompo, izao ankehitriny izao mihitsy. Ary enga anie ilay Fanahy handeha avy eo amin’ny voromahery ho amin’ny voromahery, avy amin’ny Teny ho amin’ny Teny, mandra-pahatongan’ny fahafenoan'i Jesosy Kristy ho tonga voaseho eo amin’ireo vatana tsirairay, ho an’ny ara-batana, ara-panahy, na ny ilaina rehetra izay ilain’izy ireo, raha mifametra-tānana izahay. Amin’ny Anaran'i Jesosy Kristy.



IZAO NO FIPOSAHAN'NY MASOANDRO MAG65-0418M
(It Is The Rising Of The Sun)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Alahady maraina, 18 Aprily 1965, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2016 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org